

Naqqiut  
Siunnersuut 15. august 2019-imeersaq taarserpaa  
(Kalaallisut allanneqarnerani oqaatsinik iluarsiiisoqarpoq)

Siunnersuummut nassuiaatit

**Nassuiaatit nalinginnaasut**

## **1. Aallaqqaasiut**

### 1.1. Siunnersuummut tunngaviusoq pingaarneq

Kommunit pisortanut taarsigassarsianik aamma inissianik sanaartornermut, iluarsaassinermut, alliliinermut pitsanngorsaanermullu tapiissutinik aqutsinermik tigussissat tunngaviusumik aalajangiunneqarpoq. Kommunit inissiaataannut attartortittakkanut aningaasalersuineq, sanaartorneq aqutsinerlu kommuninit tiguneqarput. Piginneqatigiilluni inissianut, inissianut nammineerluni pigisanut (inissianut aningaasalersuineq) aamma illunut sanaqataaffiusunut taarsigassarsiat tapiissutillu aqunneqarneri kommuninit tiguneqarput.

Ukiut arlallit ingerlanerini aningaasanut inatsimmi tapersiissutitalimmik inissialiortiternermut inatsit naapertorlugu inissianik sananissamut, iluarsaassinissamut, alliliinissamut pitsanngorsaanermullu aningaasaliissutinik immikkoortitsisoqartarsimanngilaq.

Tapersiissutitalimmik inissialiortiternermut taarsigassarsisitsisarneq pillugu Inatsisartut inatsisissaattut siunnersuummi matumani tamanna nalinginnaanngorsarneqarpoq, taamaalillunilu Naalakkersuisut inissianik sanaartornermut, pisinermut, iluarsaassinermut, alliliinermut pitsanngorsaanermullu nutaanik taarsigassarsititsisarunnaassapput tapiissuteqartarunnaassallutillu.

### 1.2. Siunnersuutip imaa pingaarnersiorlugu

Siunnersuut taarsigassarsianik ingerlasunik, inissialiortiternermut tapersiissuteqartarneq pillugu inatsisaasimasut naapertorlugit taarsigassarsiaritinneqartunik aqutsinermut akilersuinermullu inatsisitigut sinaakkusiissaaq.

Siunnersuutip kingunerisaanik Naalakkersuisut inissianik sanaartornermut, pisinermut, iluarsaassinermut, alliliinermut pitsanngorsaanermulluunniit nutaanik taarsigassarsititsisinnaajunnaassapput imaluunniit tapiissuteqarsinnaajunnaassallutik.

Siunnersuut taarsigassarsianik ingerlasunik, inissialiortiternermut tapersiissuteqartarneq pillugu inatsisaasimasut naapertorlugit taarsigassarsiaritinneqartunik aqutsinermut akilersuinermullu, taamaalillunilu Naalakkersuisut maanna taarsigassarsialinnut piginnittut nikinneranni, taarsigassarsianik allanngortitsinermi, nuussinermi, akilersuiunnaarallarnermi

isumakkeerinninnermilu ikiuunnissamut periarfissaqarnissaannut inatsisitigut sinaakkusiissaaq.

Tamatuma saniatigut taarsigassarsianik ernialinnik siusinaarluni akiliisinnaanissamut, kiisalu nammineerluni illulianut illunullu sanaqataaffiusunut taarsigassarsiat erniaqanngitsut akilersugassaannngitsullu appartikkiartuaarneqarnerinut piffissarititaasup annikillinissaanut periarfissiinissaq siunnersuutigineqarpoq.

## **2. Siunnersuummi immikkoortut pingaarnertit**

Siunnersuummi immikkoortut pingaarnertit matuma kinguliani saqqummiunneqarput.

### **2.1 Kommunit inissiaataannut attartortittakkanut illunullu ataatsimoorussanut tapersiissutit**

Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi kapitali 2-mi aamma kapitali 3-mi kommunit inissiaataannut attartortittakkanut illunullu ataatsimoorussanut tapersiissuteqartarnermut aalajangersakkat atorunnaassapput ingerlateqqinneqassanatillu.

### **2.2 Inissianik sanaartornermut, iluarsaassinermut, alliliinermut pitsanngorsaaneermulluunniit taarsigassarsiarititat tapiissutillu**

Siunnersuutip kingunerisaanik Naalakkersuisut inissianik sanaartornermut, pisinermut, iluarsaassinermut, alliliinermut pitsanngorsaaneermulluunniit nutaanik taarsigassarsititsisinnaajunnaassapput aammalu tapiissuteqarsinnaajunnaassallutik.

Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi §§ 45-46 aamma 2019-imut aningaasanut inatsimmi konto pingaarneq 87.72.23 Namminersorlutik Oqartussat tapersiissutitalimmik illuliani maanna ingerlasuni siusinnerusukkullu ingerlasimasuni iluarsaassinissamut, alliliinissamut pitsanngorsaaneermullu tapiissuteqarnissaannut tunngaviliisuusimapput.

Inissianut aningaasalersuisarneq pillugu Inatsisartut inatsisaata allanngortinneqarnera pillugu siunnersuummik immikkoortumik saqqummiussisoqarpoq. Taamaalilluni kommunit tapersiissutitalinnik illulianik maanna ingerlasunik ingerlasimasunillu iluarsaassinermut, alliliinermut pitsanngorsaaneermullu inatsisitigut tunngavissanik ikkussisoqarnissaa siunnersuutigineqarpoq.

2020-mut aningaasanut inatsimmut Namminersorlutik Oqartussat tapersiissutitalimmik illuliani maannamut ingerlasunik siornatigullu ingerlasimasunik iluarsaassinermut, alliliinermut pitsanngorsaaneermullu tapiissuteqartarnerannut aningaasaliissutit kommuninut nuunneqarnissaannut siunnersuummik immikkoortumik saqqummiussisoqarpoq.

### 2.3 Piginnittut nikinnerat, siunnersuummi §§ 8-10

Siunnersuummi kapitali 2-mi piginnittut nikinneranni taarsigassarsiat ingerlasut aappaasumit, aappaasutut nalunaarsorsimasumit, inooqataasumit kingornussisussanillu tiguneqarsinnaanissaat siunnersuutigineqarpoq. Taarsigassarsisoq nutaaq taarsigassarsinissamut piunasaqaatit piffissarlu akilersuiffiususaaq allannngortinnagit taarsigassarsianik ingerlasunik tigusissaaq. Taarsigassarsisumut nutaamut piunasaqaatit imaluunniit piffissaaq akilersuiffiususaaq allannngortillugit taarsigassarsititsisoqarsinnaangilaq.

Taarsigassarsiallip inissiamik Namminersorlutik Oqartussanit taarsigassarsiaqarfiusumik tunisinerani, pisisup qinnuteqareernermini taarsigassarsiat ingerlasut piunasaqaatit piffissarlu akilersuiffiususaaq allannngortinnagit tigusinnaavai. Taarsigassarsisumut nutaamut piunasaqaatit imaluunniit piffissaaq akilersuiffiususaaq allannngortillugit taarsigassarsititsisoqarsinnaangilaq.

### 2.4 Allannngortitsineq, nuussineq isumakkeerinninnerlu, siunnersuummi §§ 11-14 aamma §§ 15-18

Naalackersuisut suli taarsigassarsianik ernialinnik, akilersuinnermut tapiissutitalinnik allannnguinissamut taarsigassarsititsisinnaassapput. Taarsigassarsiat allannngortinneqarnerini piffissaaq akilersuiffissaaq ukiut tallimat tikillugit sivitsorneqarsinnaavoq, taamaalillunilu taarsigassarsianut ingerlasunut piffissaaq akilersuiffissaaq tamarmiusoq ukiut amerlanerpaamik katillugit 25-nik sivilissusilerneqarsinnaavoq. Taarsigassarsiallip allannngortitsinnermut taarsigassarsianut akiliutissai taarsigassarsiallip aningaasaqarnikkut inissisimanera, aammalu allannnguinissamut taarsigassarsianut akilersuinnermut piffissaliussap sivilunerpaaffissaa tunngavigalugit Naalackersuisunit aalajangerneqassapput.

### 2.5 Taarsigassarsianik nuussineq isumakkeerinninnerlu, siunnersuummi §§ 19-23

Naalackersuisut suli taarsigassarsiat ingerlasut taarsigassarsianut erniaqannngitsunut akilersugassaannngitsunullu nuussinnaavaat. Nutaatut siunnersuutigineqarpoq nuussineq ukiunut tallimanut atuutissasoq, tamatumalu kingorna taarsigassarseqqaarnermi piunasaqaatit naapertorlugit akilersuisoqaqqilissasoq. Taarsigassarsiallip ukiuni tallimani taarsigassarsianut erniaqannngitsunut akilersugassaannngitsunullu nuussinissaaq qinnuteqaatigeqqissinnaavaa. Naalackersuisut suli taarsigassarsianik ingerlasunik isumakkeerinnissinnaapput aammalu taarsigassarsianut ingerlasunut akilersuinnermik unitsitsigallarsinnaallutik.

§ 22-mi siunnersuutigineqarpoq, inissiamut taarsigassarsiallip pigiunnaagaanut, aammalu Naalackersuisunut utertitsinnermut Naalackersuisulluunniit tigusinerannut atatillugu akiitsunik naatsorsuiffiusimasumut akiligassat akiligassannngortitat, akiitsut akilinnngitsuuqqat, peqqusinnermut akiliutit akiitsullu sinneri erngerlutik isumakkeerneqassasut nalikillineqassallutillu. Siunnersuummi § 22 siunnersuummi § 27, imm. 3-p immikkoortuanut kingullermut aamma § 29, imm. 3-p immikkoortuanut kingullermut, utertitsilluni

tunniussinermi utertilluguluunniit tigusinermi taarsigassarsiallip akiitsuusa erngerluni nalikillineqarnissaannut tunngasunut atasutut isigineqassaaq.

## 2.6 Pitsanngorsaanermut taarsigassarsianik nuussisarneq, siunnersuummi §§ 24-25

Tapersiissutitalimmik inissialiortiternermut inatsit naapertorlugu inissianik alliliinermut pitsanngorsaanermulluunniit taarsigassarsianut ernialinnut akilersuutininut tapiissutitalinnik taarsigassarsititsisoqartarpoq.

Inissianik aningaasalersuisarneq pillugu Inatsisartut inatsisaanni § 16 naapertorlugu inissianik pioreersunik iluarsaassinermut, pitsanngorsaanermut alliliinermullu erniaqanngitsunik akilersugassaannigitsunillu taarsigassarsititsisoqartarpoq.

Siunnersuummi § 24-p kingunerisaanik alliliinermut pitsanngorsaanermullu taarsigassarsianik, tapiissutitalimmik inissialiortiternermut inatsit naapertorlugu tunniunneqarsimasunik inissianik aningaasalersuisarneq pillugu Inatsisartut inatsisaat assigalugu siunissami, aammalu qinnuteqartoqareerneratigut taarsigassarsianut erniaqanngitsunut akilersugassaannigitsunullu nuussisoqarsinnaalissaaq.

## 2.7 Ikuallattoornissamut sillimmasiissutininut akiliutinut akiligassanut akilinngitsuukkanut atuisinnaanermut killiliineq aamma qularnaveeqqusiisinnaatitaaneq, siunnersuummi § 26

Inissiat, tapersiissutitalimmik inissialiortiternermut inatsit naapertorlugu taarsigassarsititsiviusimasut tunngavigalugit eqqartuussivilersuussinissaq qularnaveeqqusiisinnarluunniit ataatsimut isigalugu inerteqqutaavoq. Tassunga sillimmasiisarfiit illumik ikuallattoornissamut sillimmasiiffiusut qularnaveeqqusiiffigineqartitaanerisa aammalu ullormit akiliiffissamiit ukiumi ataatsimi akiligassanut akilinngitsuukkanut qularnaveeqqusiinermi qularnaveeqqutinik piginnittunit allanit salliutinneqarnissaasa ilaatinneqannginnissaa siunnersuuteqartoqarpoq. Siunnersuummut tunngaviusoq siunnersuummi § 26, imm. 2-mut nassuiaatini allaaserineqarpoq.

## 2.8 Inissianik Namminersorlutik Oqartussanut utertitsinerit aamma Namminersorlutik Oqartussanit utertitsillugu tiguneqartarnerat, siunnersuummi §§ 27, 29-30

Taarsigassarsiallip inissiamik Namminersorlutik Oqartussanut utertitsisinnaanernut pisinnaatitaaffik allanngortinneqanngilaq. Taamatuttaaq Namminersorlutik Oqartussat, taarsigassarsiat akiligassanngorneqarsimatillugit inissiamik tiguisinnaanerannut periarfissat allanngortinneqanngillat.

Nutaatut Namminersorlutik Oqartussat taarsigassarsiaqartullu akornanni aningaasaqarnikkut iluarsisassat naatsorsorneqartarnerini inissiap niuerutigineqarneranut nalinga tunngavigineqartassasoq siunnersuutigineqarpoq. Siunnersuummi inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat

nr. 11, 19. november 2007-imeersumi § 33-p, 2019-imut aningaasanut inatsimmi kontomut pingaarnermut 20.30.07-imut oqaasertaliussami nr. 2-mi akuerineqartoq nalinginnaanngorsarneqarpoq.

Nutaatut Namminersorlutik Oqartussat iluanaarutissaasa erngerlutik nalikillineqartarnissaat siunnersuutigineqarpoq. Taarsigassarsiallip iluanaarutai akilerneqartassapput. Taamaalilluni taarsigassarsiat akilerneqassapput. Namminersorlutik Oqartussat taarsigassarsianut akiliisitsiniarnermik aqutsinermillu suliaqassanngillat, taarsigassarsisorlu aallarteqqissinnaalissaaq.

Nutaatut inissiap utertinneqartup imaluunniit utertillugu tiguneqartup tuninerani niuernermin naliusoq, aammalu minnerpaamik inissiap teknikkimut aningaasaqarnermullu nalinga atorneqassasoq siunnersuutigineqarpoq. Kommunimulli tunisinermi pisinermut akiusoq illuatungeriit akornanni isumaqatigiissutigineqarsinnaavoq. Siunnersuut Inatsisartut Sanaartornermut Ataatsimiititaliaata UKA2018/217-ip, illunut sanaqataaffisunut taarsigassarsititsisarneq pillugu Inatsisartut inatsisaannut tunngasup pingajussaanneerneqarneranut isumaliutissiissutaata malitsigaa.

## 2.9 Sioqqutsilluni akiliisarneq, siunnersuummi § 31

Taarsigassarsisut taarsigassarsianik ernialinnik, akilersuutitut tapiissuteqartarnermut piumasagaatitaqartinneqarlutik tunniunneqartunik piffissaq sioqqullugu taarsigassarsiamik akiliinissamut periarfissinneqarnissaat siunnersuutigineqarpoq. Siunnersuummi taarsigassarsiat ingerlasut allannguinnissamullu taarsigassarsiat, akilersuutitut tapiissuteqarfiusartunut piumasagaatit malillugit tunniunneqartut pineqarput.

Piffissaq sioqqullugu akiliinermi akiitsut sinneri 30 procentinik, taarsigassarsianik nalinginnaasumik akilersuinermin Namminersorlutik Oqartussat tapiissutaasa amerlaqataannik nalikillisinneqassapput. Tamatuma kingorna akiitsut appartitat piffissami taarsigassarsiallip taarsigassarsianik akilersuiffigisassaanut ukiumut 6 procentinik kingumut erniaqartinneqassapput.

Meeqqat amerlas-susaat		0	1	2	3	1	2	3
Naafferaalluni akilersuinermin erniarititaq	3,00%	6,00%	6,00%	6,00%	6,00%	7,00%	8,00%	9,00%
Akilersuiffissami piffissap sinnera /akilersuinikkut nalikillisaaneq	0%	30%	31%	32%	33%	30%	30%	30%
0	100,00	70,00	69,00	68,00	67,00	70,00	70,00	70,00

1	97,09	66,04	65,09	64,15	63,21	65,42	64,81	64,22
2	94,26	62,30	61,41	60,52	59,63	61,14	60,01	58,92
3	91,51	58,77	57,93	57,09	56,25	57,14	55,57	54,05
4	88,85	55,45	54,65	53,86	53,07	53,40	51,45	49,59
5	86,26	52,31	51,56	50,81	50,07	49,91	47,64	45,50
6	83,75	49,35	48,64	47,94	47,23	46,64	44,11	41,74
7	81,31	46,55	45,89	45,22	44,56	43,59	40,84	38,29
8	78,94	43,92	43,29	42,66	42,04	40,74	37,82	35,13
9	76,64	41,43	40,84	40,25	39,66	38,08	35,02	32,23
10	74,41	39,09	38,53	37,97	37,41	35,58	32,42	29,57
11	72,24	36,88	36,35	35,82	35,29	33,26	30,02	27,13
12	70,14	34,79	34,29	33,79	33,30	31,08	27,80	24,89
13	68,10	32,82	32,35	31,88	31,41	29,05	25,74	22,83
14	66,11	30,96	30,52	30,08	29,63	27,15	23,83	20,95
15	64,19	29,21	28,79	28,37	27,96	25,37	22,07	19,22

## 2.10 Piffissamik taarsigassarsianik erniaqanngitsunik akilersugassaannngitsunillu appartitsiartuaarfiusussamik allanngineq, siunnersuummi § 32

Namineerluni illuliormut illunullu sanaqataaffiusunut taarsigassarsiat erniaqanngitsut akilersugassaannngitsunillu appartikkiartuaarneqarnerinut piffissap ukiunik 33-niit ukiunut 20-nut appartinneqarnissaa siunnersuutigineqarpoq. Piffissap annikillisitsiartuaarfissap sinnera 20/33-mut iluarsillugu appartinneqassaaq ukiumullu ilivitsumut qaninnerpaamut akunnaallisarneqassalluni. Assersuutigalugu ukiut 20-t ukiunut 12-inut appartinneqassapput. Assersuutigalugu ukiut qulit arfinilinnut appartinneqassapput. Tamatuma kingorna taarsigassarsiat erniaqanngitsut akilersugassaannngitsunillu taarsigassarsianut piffissarititamat sivikillissamat ukiunut tamarmiusunut amerlaqatigiinnik agguarneqassapput.

## 3. Pisortat aningaasaqarnerannut allaffissornerannullu kingunerisassat

Siunnersuut pisortat aningaasaqarnerinut annertuumik kinguneqartussat naatsorsuutigineqanngilaq.

Siunnersuutip kingunerisaanik Namminersorlutik Oqartussat inissianik sanaartormut, pisinermut, iluarsaassinermut, alliliinermut pitsanngorsaannermullu nutaanik taarsigassarsisarunnaassapput aammalu tapiissuteqartarunnaassallutik. Taarsigassarsiat taamarmiusut ikiliartuaarnerisa ilutigisaanik Namminersorlutik Oqartussanut akiliutit ikilissapput. Siunnersuutip allaffissornerannut suliaqarparpallaarnermik annikillisitsinissaa aammalu INI A/S-ip tapersiissutitalimmik inissialiortiternermik aqutsineranut akiliutinik ikilissitsinissaa naatsorsuutigineqarpoq.

Siunnersuut akiliisinnaassutsimut annikitsumik sunniuteqassasoq naliliisoqarpoq. Naliliineq malillugu siunnersuut suleriaatsinik aammalu taarsigassarsianik nuussisarnerit

isumakkeerinnittarnerillu annertussusiunut annertunerusumik allannguisussaangilaq. Utertitsilluni akiliisarnermut piumasaqaatit allanngortinneqarnerat siusinaarluni utertitsilluni akiliisoqarnerani akiliisinnaassutsip nikinneranik kinguneqassaaq. Ataatsimut isigalugu siunnersuutip aningaasatigut kinguneqarnissaa naatsorsuutigineqanngilaq, matumani ilaatigut taamaallaat piffissap nikinnissaa, ilaatigullu misilittakkat malillugit akiligassat akilinningsuukkat amerlasarnerat pineqarmata, taamaattumillu piffissamik allannguinissap tunngaviusumik suliaasatigut annertunerusumik kinguneqarnissaa naatsorsuutigineqanngilaq.

Piffissaq sioqqullugu akiliinissamut periarfissiinermi taarsigassarsianik akiliinissap siuartinneqarsinnaanera naliliiffiqineqarsinnaangilaq. Illoqarfiit nunaqarfiillu ilaanni aningaasaqarneq ingerlalluarpoq aammalu inissianut akiitsunik appartitsinissamut atorineqarsinnaasunik sipaagaqarnissamut taarsigassarsinissamulluunniit periarfissaqarluni. Taamaattumik ineqarnermut akiitsunik appartitsinissamut atugassanik sipaagaqarnissamut taarsigassarsinissamulluunniit taarsigassarsiallip tullerriiaarinera soorunami apeqqutaassaaq.

Nammineerluni illulianut taarsigassarsianik aamma illunut sanaqataaffiusunut taarsigassarsianik piffissap appartitsiartuaarfiusup ukiunik 33-niit 20-nut allanngortinneqarnera akiliisinnaassutsimut sunniuteqassanngilaq. Piffissamut appartitsiartuaarfissamut killiffiit tunngavigineqassapput tamannalu IST-p inerneranut sunniuteqassanngilaq.

#### **4. Inuussutissarsiortut aningaasaqarnerinut allaffissornerinullu kingunerisassat**

Siunnersuut inuussutissarsiortut aningaasaqarnerinut allaffissornerinullu kinguneqartussatut naatsorsuutigineqanngilaq.

#### **5. Avatangiisinut, pinngortitamut inuillu peqqissusaannut kingunerisassat**

Siunnersuut avatangiisinut, pinngortitamut inuilluunniit peqqissusaannut kinguneqartussatut naatsorsuutigineqanngilaq.

#### **6. Innuttaasunut kingunerisassat**

Tapersiissutitalimmik inissialiortiternermut inatsit naapertorlugu taarsigassarsiat ingerlasut taarsigassarsinermut piumasaqaatit piffissarlu akilersuiffiusiussaq allanngortinnagit aammalu allannguutit, siunnersuummi matumani saqqummiunneqartut atorlugit ingerlateqqinneqassapput.

Kapitali 4 naapertorlugu tapersiissutitalimmik illuliamik utertitsilluni tunniussisarneq aaqqissuussamut aamma atuuttumut ilanngunneqassaaq, tak. 2019-imut aningaasanut inatsimmi kontomut pingaarnermut 20.30.07-imut tamanna pillugu oqaasertaliussaq nr. 2, pigisap utertitap niuerutigineqarnermini nalinga tunngavigalugu aningaasaqarnikkut iluarsisassat naatsorsorneqartarnerinut tunngasoq. Aalajangersakkami erseqqissaasoqarpoq,

taamaalillunilu pisortat iluanaarutissaat 0-inngortinneqartallissapput. Taassuma illut sanaqataaffiusut pillugit Inatsisartut inatsisaanni maleruagassiap assigaa.

1990-ikkulli aallartinnerini kapitali 4 naapertorlugu tapersiissutitalimmik illualianut nutaanut taarsigassarsititsisoqarsimanngilaq. Illunut sanaqataaffiusunut taarsigassarsiat 1. januar 2019-imi kommunit ineqarnermik tigusinerannut atatillugu nuunneqarput. Aamma kommunit 1. januar 2018 aallarnerfigalugu inissianik aningaasalersuisarneq pillugu inatsit, kiisalu piginneqatigiilluni inissiat pillugit inatsit tiguaat.

Tamanna tunngavigalugu siunnersuutip innuttaasunut aningaasaqarnikkut allaffissornikkulluunniit kinguneqarnissaa naatsorsuutigineqannngilaq.

## **7. Kingunerisassat annertuut allat**

Naliliineq malillugu siunnersuut annertuunik allanik kinguneqassanngilaq.

## **8. Pisortanut suliniaqatigiiffinnullu il.il. tusarniaaneq**

Siunnersuut 26. april 2019 – 31. maj 2019-imi tusarniaassutigineqarpoq, piffissamilu tassani [www.naalackersuisut.gl](http://www.naalackersuisut.gl) aqutugalugu tusarniaanernut iserfissiami tamanut ammasumik saqqumitinneqarsimalluni.

Siunnersuut tusarniaaviusunut ukununnga tusarniaassutigineqarpoq:

Naalackersuisut Siulittaasuata Naalackersuisoqarfia  
Pinngortitamut, Avatangiisinut Ilisimatusarnermullu Naalackersuisoqarfik  
Aningaasaqarnermut Naalackersuisoqarfik  
Aatsitassarsiornermut Suliffeqarnermullu Naalackersuisoqarfik  
Aalisarnermut, Piniarnermut Nunalerinerimullu Naalackersuisoqarfik  
Inuussutissarsiornermut Nukissiuuteqarnermullu Naalackersuisoqarfik  
Isumaginninnermut Inatsisinillu Atuutsitsinerimut Naalackersuisoqarfik  
Peqqissutsimut Naalackersuisoqarfik  
Ilinniartitaanerimut, Kultureqarnerimut Ilageeqarnerimullu Naalackersuisoqarfik  
Nunanut Allanut Naalackersuisoqarfik  
Avannaata Kommunua  
Qeqqata Kommunua  
Kommuneqarfik Sermersooq  
Kommune Kujalleq  
Kommune Qeqertalik  
INI A/S  
Iserit A/S  
Mittarfeqarfiit  
Nukissiorfiit  
Asiaq



Kalaallit Forsikring  
Illit Forsikringit  
Tryg  
Grønlandsbanken A/S  
Bank Nordik  
KANUNUPE  
Sulisitsisut (GE)  
SIK (Sulinermik Inuussutissarsiuqartut Kattuffiat)  
Peqqinnissaq Pillugu Kattuffiit (PPK)  
Nunatsinni Perorsaasut Kattuffiat (NPK)  
Atorfillit Kattuffiat (AK)  
IMAK (Ilinniartitsisut Meeqqat Atuarfianeersut Kattuffiat)  
Kalaallit Nunaanni Ilinniagartuut Kattuffiat (ASG)  
Katuaq I/S  
Kalaallit Nunaanni Rigsombudsmandeqarfik  
Kalaallit Nunaanni Politimestereqarfik  
Kalaallit Nunaanni Eqqartuussivik

Piffissap tusarniaaffiusup naanerani tusarniaaffiusunit ukunanga akissuteqaatinik tigusaqartoqarpoq, tusarniaanermi akissuteqaatinut oqaaseqaatit uingasunngorlugit allanneqarput:

IMAK, Aatsitassaqaarnermut Suliffeqaarnermullu Naalakkersuisoqarfik, Isumaginninnermut Inatsisinillu Atuutsitsinermit Naalakkersuisoqarfik, Pinngortitamut, Avatangiisinullu Naalakkersuisoqarfik, Peqqissutsimut Naalakkersuisoqarfik, Kalaallit Nunaanni Politiit, Ilinniartitaanermit, Kultureqaarnermut Ilageeqarnermullu Naalakkersuisoqarfik siunnersuummut oqaaseqaatissaqaratik nalunaaruteqarput.

SIK siunnersuummut immikkut ittunik oqaaseqaatissaqanngilaq. Kiisalu SIK-mit inissianut tapersiissuteqarfiusunut taarsigassarsititsisarneq pillugu Inatsisartut inatsisissaannut missingiummut oqaaseqaatigineqartut innersuussutigineqarput, tassanilu SIK-p siunnersuutip itigartinneqarnissaa inassutigaa. Inissiat kommuninut tunniunneqarpata, inissialiortiternermut aningaasat immikkoortinneqartut siunertamut atorneqanngitsoornissaat SIK-p annilaanganartoqartippaa.

*Kommunit 1. januar 2020 aallarnerfigalugu inissianut, inissialiortiternermut tapersiissutitalinnik taarsigassarsiaqarfiusunut aamma inissianut, maanna piginnittuusut taarsigassarsisoralugit inissialiortiternermut tapersiissutitalinnik taarsigassarsiaqarfiusunut tapiissuteqarsinnaalissapput. Kommunit namminneerlutik aningaasaatiminnik aqutsisinnaanissaat siunnerfigineqarpoq, aamma inissianut aningaasalersuisarnermi.*

Kommune Kujallermit erseqqissaatigineqarpoq, inatsisissamut siunnersuummut innersuussutinut nassuiaatini kingunerisassat iluarsineqarnissaat pisariaqartoq. Tusaatissatut tiguneqarpoq, siunnersuummi kingunerisassat iluarsineqarput.

INI A/S-imiit siunnersuummi § 9, imm. 3 nutaajusoq maluginiarneqarpoq, erseqqissaatigaalu ullumikkut akiitsullit nikinnerat akuerineqarluni inummut allamut tunisinermi, tunisisoq inissiami pitsannorsaanerminut atatillugu aningaasartuutimi amerlaqataannik aningaasannorlugit tigusinissaq pisinnaatitaaffigaa. INI A/S isumaqarpoq, siunissami tunisinermut atatillugu inissiamik pitsannorsaanerminut akiliutit ”nerriviup ataatigut” akilerneqartalermissaat ilimagineqarsinnaasoq. Tamatuma saniatigut INI A/S-imiit erseqqissaatigineqarpoq, taarsigassarsianik aqutsissutit pioreersut atorlugit piginnittut nikinneranni akiliutissat isumagineqarsinnaassanngitsut, aammalu atortut allannortinnissaannut aningaasanik immikkoortitsisoqartariaqartoq.

*Inissiamik tunisinissaq ataatsimut naliiiffigineqartartussaavoq, taamaattumillu inissiamik pitsannorsaanerminut immikkut ittumik akiliisitsisarnissaq pisariaqassanngitsoq naliliisoqarpoq.*

INI A/S-ip siunnersuummi § 11, imm. 2-mut tunngatillugu erseqqissaatigaa, sillimasiinerminut akiliussigallarnernit akilersuinissamik isumaqatigiissutitaqanngitsut, imaluunniit akilersuinissamik isumaqatigiissutinik sumiginnaaffiusut isumaqatigiissuteqarnikkut akiliisitsiniartarnermi oqartussaasunut nuunneqarsimasut, aammalu taarsigassarsianik aqutsissutini 0-inngorlugit inissinneqarsimasut. Tassalu sillimasiinerminut akiliussigallarnerni akiitsut sinnerussimasinnaasut pillugit paasissutissat akiliisitsiniartarnermi oqartussaasunit pissarsiarineqarsinnaapput.

*Tusaatiissatut tiguneqarpoq. Qanorluunniit pisoqaraluarpat akigititassaq atuuttoq aalajangersarniarlugu sillimasiinerminut akiliussigallarnerni akiitsut sinneruttut pissarsiariniarneqartussaapput.*

INI A/S-imiit erseqqissaatigineqarpoq, oqaaseqatigiinni ataatsini § 13, imm. 1-imut aamma 2-mut nassuiaatit paarlaanneqarsimasut.

*Tusaatissatut tiguneqarpoq, taakkulu iluarsineqarput.*

INI A/S-imiit erseqqissaatigineqarpoq, allannguinerminut taarsigassarsiani allamut taarsigassarsiat ataqqineqassasut, aammalu taarsigassarsianut allannortussatut kissaatigineqartunut allamut qularnaveeqqusiissutit ataqqineqarnissaat piumasaqaataanngitsoq § 14, imm. 2-mi allassimasoq.

*Erseqqissaatigineqassaaq, matumani taarsigassarsiaareersut ingerlateqqinneqartussat pineqarmata.*

INI A/S-ip siunnersuummi § 16, imm. 2-mut tunngatillugu erseqqissaatigaa, taarsigassarsiaareersunut aamma allannguinerminut taarsigassarsianut piffissaq utertitsilluni akilersuiffiususaaq tamarmi annerpaamik ukiunik 25-nik sivisussuseqartussaasoq. Taarsigassarsiaareersut sivisunerpaanik ukiuni 20-ni akilersorneqarsinnaasimapput. Tamatuma saniatigut taarsigassarsianik aqutsissuummi allannguutit isumagineqarsinnaanngillat.

*Allanguinermut taarsigassarsiani taarsigassarsisup qaammammut ikinnerusunik akiliisinnaanissaa periarfissinneqartussaavoq.*

INI A/S-ip erseqqissaatigaa, § 19, imm. 2 tassungalu nassuiaatit imminnut naapertuutinnigitsut. Inatsisip oqaasertassaatur siunnersuutigineqartumi ”akiligassanngortinneqassaaq” allassimavoq, kiisalu nassuiaatini taarsigassarsianut akilersuinerup nalinginnaasup aallarteqqinneqarnissaa periarfissinneqarluni.

*Naapertuutinnigitsut oqaatigineqarsinnaangilaq, taarsigassarsiat akiligassanngorsinnaanerinit innersuussummi taarsigassarsinermi piumasagaatit sumiginnarneqarnissaat siunnersuutigineqarmat.*

§ 19, imm. 4-mi aalajangersagaq siunnersuummi § 8-mi aamma § 25-mi aalajangersakkanut assingusunut naapertuutinnigilaq, tassani taarsigassarsiat erniaqannigitsut akilersugassaanngitsullu akiliinissamik piumasagaateqarfiunatik pisuni arlalinni, § 19, imm. 4-mi periarfissaqarfiunngitsuni piginnittui nikissinnaammata.

*§ 19, imm. 4-mi taarsigassarsisup akiitsut sinnerinik akiliinissani pinngitsoortinniarlugu, soorlu inooqatigisaminut akeqannigitsumik tunniussisinnaannginnissaa qulakkeernarneqarpoq.*

INI A/S isumaqarpoq, § 21-mut tunngatillugu piginnittut nikinneranni, tamatumalu kingorna isertitat illumi taarsigassat sinnerisa matussusernissaannut naammaattut takuneqarsinnaaneranni isertitat pineqannigitsut.

*Aalajangersakkamut siunnersuummi taarsigassarsisup, soorlu akiliisinnaajunnaarnermini akiitsut sinnerinik, taarsigassarsisup akilersinnaanngisaanik akiliisussaajunnaarsinnaanera periarfissinneqarpoq.*

Taarsigassarsisup inissiamut matuersaammik Namminersorlutik Oqartussanut tunniussinarluni pisussaaffimminik naammassinninngitsuuisinnaanissaa, aammalu Namminersorlutik Oqartussat taarsigassarsisup pigisai nalillit tunngavigalugit akiitsoqarnermi iluarsisassanik piumasagaarsinnaatitaanerminnik atuinngitsoortarnissaat naapertuutinnigilaq.

*Inissiat aserfallakkiartuinmassasut, qimaannarneqarlutillu atorneqannnginnissaat annilaanganarnerusoq naliliisoqarpoq.*

§ 23, imm. 1-imut tunngatillugu INI A/S isumaqarpoq, unitsitsigallarneq piffissamut killiligaanersoq killiligaannginnersorluunniit pillugu allassimasoqarnissaa amigaataasoq. Tamatumama saniatigut imm. 3-mi allassimasariaqarpoq, taarsigassarsisoq kisiat pinnagu aamma inoqutigiit aningaasaqarnerat naliliiffigineqartussaassasoq.

*Pisuni ataasiakkaani immikkut aalajangersimasumik naliliisarnissaq pisariaqarpoq.*

*Kissaatigineqarpat taarsigassarsisup inissiami najunaqaannarsinnaanissaa siunnersuummi siunertarineqarmat.*

INI A/S isumaqarpoq, piffissami qinnuteqarfiusumi, tassalu 1. januar 2020-miunngitsoq akiitsut allangortinneqassasut. Siunnersuummi § 27, imm. 1-imut tunngatillugu INI A/S-ip erseqqissaatigaa, ”taarsigassarsianut nuutanut” “amma taakkununga akiitsuusinnaasut akilinningsuukkat” ilassutigineqartariaqartoq. Oqaaseq “inissiap niueruteqarnermut nalinganut” taarsiullugu “inissiap niuernermit nalinganut” atorneqartariaqartoq.

INI A/S-imit erseqqissaatigineqarpoq, siunnersuummi § 29, imm. 1-imi allassimasoq “Uter-titsilluni tigusinermit eqqartuussivitsigut aalajangiisoqarnissaa piumasarineqanngilaq. Naalakkersuisut aalajangiinerat akiliisitsiniarnikkut naammassitinneqarsinnaavoq”. INI A/S-imit maluginiaqquneqarpoq, Namminersorlutik Oqartussat inissiamik tunisinermi inissiap niuernermit naliusoq atorlugu tunineqarnissaa, kisiannili aningaasartaat inissiap teknikkimut aningaasaqarnermullu naliliinermit appasinnerussanngitsut qulakkeerneqassasoq allassimas-salluni. Nassuiaatit malillugit pisortat pigisanik aalaakkaasunik niueruteqartunut salluni-artussaanginerat tunngavilersuutigineqarpoq. Niuernermit naliusoq atorlugu tamatigut tunisisoqartarpat niuerfimmil salluniartoqarnaviannngilaq.

*Siunnersuut tunngavigalugu suliap ingerlanera eqaannerulersinniarlugu eqqartuussivitsigut aalajangiinertaqanngitsumik akiliisitsiniarsinnaaneq ajornarunnaarsinneqarpoq.*

*Inissiamik minnerpaamik teknikkimut aningaasaqarnermullu naliliineq tunngavigalugu tunisisarnissamut aalajangersakkami inissiat akikipallaamik tunineqartannginnissaat qulakkeerniarneqarpoq.*

Kiisalu INI A/S-imiit erseqqissaatigineqarpoq, Naalakkersuisoqarfimmit siusinnerusukkut ilisimatitsissutigineqarsimasoq, Akiliutissat akiligassanngortut taarsigassarsiallu amiakkuisa isumakkeerneqarnissaannik, taarsigassarsianik allannguinnissamut kiisalu allannguiniarluni taarsigassarsinissamut qinnuteqaatit aqunneqartarnerat pillugu Namminersornerullutik Oqartussat nalunaarutaat nr. 2, 26. januar 2006-meersoq atuukkunnaarsimasoq.

*Nalunaarulli taaneqartoq suli atuuppoq.*

Aningaasaqarnermut Naalakkersuisoqarfiup erseqqissaatigaa, Aningaasaqarnermut Sulisoqarnermullu Aqutsisoqarfiup aningaasanut inatsimmi konto 20.30.07 akisussaaffigaa, aammalu taarsigassarsianik akiliutinillu aqutsinermit suliasat naammassineqarnissaat neqerooruteqartitsivigisimagai. Kiisalu Aningaasaqarnermut Sulisoqarnermullu Aqutsisoqarfiup, ASAp, Namminersorlutik Oqartussat taarsigassarsititsisarnermut immikkoortuata inatsit naapertorlugu ineriartortinneqarnissaa akisussaaffigaa, aammalu taarsigassarsititsisarnermut immikkoortumi ikiorteqarnissaq qulakkeertussaallugu.

Taamaattumik Aningaasaqarnermut Naalakkersuisoqarfik isumaqarpoq, taarsigassarsianik erniaqanngitsunik akilersugassanngitsunillu piffissap appartitsiartuaarfissap allangortinneqarnera isumalluutinik annerusunik atorfissaqartitsinermik kinguneqartussaasoq aammalu

taarsigassarsialerissutip ineriartortinnissaa imaluunniit taarsigassarsialerissummi taarsigasarsiat allangortinneqarnissaat pisariaqartussaasoq ASAmut erseqqissassallugu pingaaruteqartoq.

Taamaattumik piffissap nalikilliartuaartitsiviusussap sivikillineranut suut peqqutaanersut, imaluunniit allanguutip ilanggunneqarnissaata pisariaqarnerata eqqarsaatigineqarnissaat kaammattuutigineqarpoq.

Taarsigassarsititsisarnermut inatsisip aamma taarsigassarsititsisarnermut piunasaqaatit sapinngisamik pisariitsuunissaat, taamaalillutillu allaffissornermi ajornannginnerusumik isumagineqarsinnaanissaat Aningaasaqarnermut Sulisoqarnermullu Aqutsisoqarfimmit kissaatigineqarpoq. Tamanna taarsigassarsititsisarneq eqqarsaatigalugu paasiuminassutsimik pitsaanerulersitsisussaavoq.

*Taarsigassarsisarnermi suliat taarsigassarsisunut paasiuminarnerulersinneqarnissaannik kissaateqarneq tunngavigalugu siunnersuut suliarineqarpoq. Ullumikkut tapersiissutitalimmik inissialiortiternermut taarsigassarsititsisarnermi taarsigassarsiat assigiinngitsut, tamarmik immikkut assigiinngitsunik piunasaqaateqarfiusut arlaqarput, tak. § 1-imut nassuiaatit ataanni taarsigassarsititsisarnerit assigiinngitsut. Taarsigassarsititsisarnermi suliat taakku maanna aqukkuminarnerulersinniarneqarput.*

Utertitsilluni akiliisarnermut piunasaqaatit allangortinneqarnerat siusinaarluni utertitsilluni akiliisoqarnerani akiliisinnaassutsip nikinneranik kinguneqassaaq. Ataatsimut isigalugu siunnersuutip aningaasatigut kinguneqarnissaa naatsorsuutigineqanngilaq, matumani ilaatigut taamaallaat piffissap nikinnissaa, ilaatigullu misilittakkat malillugit akiligassat akilinngitsuukkat amerlasarnerat pineqarmata, taamaattumillu piffissamik allanguinissap tunngaviusumik suliasatigut annertunerusumik kinguneqarnissaa naatsorsuutigineqanngilaq.

Aningaasaqarnermut Naalackersuisoqarfiup § 26-mut, sillimmasiisarfinnut qularnaveeqqusiissuteqartarnermut tunngatillugu oqaatigaa, ilassutaasoq taanna, aammattaaq sanaqateqarluni illuliornermut taarsigassarsititsisarneq pillugu Inatsisartut inatsisaat naapertorlugu taarsigassasianut atuuttoq pitsaasuusoq. Aalajangersakkami sillimmasiisarfiit sillimmasiinnermut akiligassanik akilinngitsuukkanik akiliisitsiniarsinnaanerinut periarfissiivoq, tamanna siusinnerusukkut periarfissaanngikkaluartoq.

Aningaasaqarnermut Naalackersuisoqarfiup siunnersuummi § 30-mut, inissiap ”minnerpaamik teknikkimut aningaasaqarnermullu nalinganut, tunisinerup nalinganut” tunineqarnissaanut tunngasumut tunngatillugu tikkuarppaa, matumani maanna periaasiusup, tassalu illut naliliinnermi akiusoq malillugu tunineqartarnerinut allangortinneqarnera pineqartoq. Tapersiissutitalinnik inissialiortiterneq tunngavigalugu illut niuerutigineqarneri ataatsimut isigalugit 50.000 koruunit missaannik naleqartarput, tassalu tapersiissutitalinnik inissialiortiterneq tunngavigalugu illuliat teknikkimut aningaasaqarnermullu nalingat amerlanertigut niueruteqarnermi naliusumit qaffasinnerusarput.

*Siunnersuummi pisortat pigisanik aalaakkaasunik niueruteqarnermi salliusannginnissaast qulakkeerniarneqarpoq. Inissiaq niueruteqarnermi naliusoq, kisiannili minnerpaamik teknikkimut aningaasaqarnermut nalinga atorlugu tunineqarsinnaangippat, illu pisortat inissiaataattut attartortittakkatut siunertamulluunniit allamut atorneqassaaq, imaluunniit isaterneqassalluni.*

## Siunnersuummi aalajangersakkanut ataasiakkaanut nassuiaatit

### § 1-imut

Siunnersuut taarsigassarsianut, Kalaallit Nunaanni inissialiortiternermut tapersiissuteqartarneq pillugu Inatsisartut peqqussutaat nr. 10, 22. december 1986-imeersoq, inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 1, 9. april 1992-imeersoq aamma inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersoq naapertorlugit tunniunneqartunut atuutissaaq.

Siunnersuummi taarsigassarsiat, aammalu akiitsut akilinngitsuukkat akiliussigallarnerillu taakkununga atasut makku pineqarput:

Kap. 4 naapertorlugu RB-t ingerlasut tapiissutitallit	Erniallit tapiissutitallit
Kap. 6 naapertorlugu RB-t ingerlasut	Erniallit tapiissutitaqanngitsut
Kap. 4+5 naapertorlugit iluars./pitsanngors. taarsigassarsiat tapiissutitallit	Pitsanngorsaanissamut taarsigassarsiat erniallit
Kap. 4+5 naapertorlugit iluars./pitsanngors. taarsigassarsiat tapiissutitallit	Pitsanngorsaanissamut taarsigassarsiat erniallit
Nammineerluni illuliornermut taarsigassarsiat	Taarsigassarsiat erniaqanngitsut akilersugassaannngitsullu
Nuussinermut taarsigassarsiat - nalikilliliissamut	Kap. 4 naapertorlugu taarsigassarsiaasimasunut nalikilliliinerit
Nuussinermut taarsigassarsiat - Nalikilliliinissamuunngitsoq	Kap. 4 naapertorlugu taarsigassarsiaasimasunik unitsitsigallarneq
Allanguinermut taarsigassarsiat akilersuutitut tapiissutitallit	Erniallit allanngortinneqarsimasut
Illut sanaqataaffiusut	Taarsigassarsiat erniaqanngitsut akilersugassaannngitsullu
Sillimmasiinermit akiliussigallarnerit	Sillimmasiinermit akiliussigallarnerit
Taarsigassarsianut ingerlasunut akiitsut akilinngitsuukkat	Akiitsut akilinngitsuukkat, ernialinnik ingerlasunik taarsigassarsiffiusut
Taarsigassarsianut ingerlanngitsunut akiitsut akilinngitsuukkat	Akiitsut akilinngitsuukkat, ernialinnik ingerlasunik taarsigassarsiffiunngitsut
Akiitsut akilinngitsuukkat akiligassanut 60-inut nalikilliliviusut	Akiitsut akilinngitsuukkat nalikillisitassat

### § 2-mut

Siunnersuummi taarsigassarsiani ingerlasuni, Naalackersuisut aalajangiinissamut periarfissaqarfigisaanni allannguutit suunersut allanneqarput. Aalajangiinernut ataasiakkaanut sinaakkusiussat piumasaqaatillu aalajangersakkani kingusinnerusumiittuni maleruagassiuunneqarput.

Taarsigassarsianik ingerlasunik allannguinermi nutaamik taarsigassarsiat qaffanneqarsinnaanngillat, tassungalu atatillugu taarsigassarsinermi pissarsianit taarsigassarsisumut akiliisoqarsinnaanani.

#### *§ 3-mut*

Naalackersuisut maannamut atorneqartutut akiliutinut tapiissuteqarnissamut atugassarititaasut aamma taarsigassarsianik ernialinnik allannguinnissamut taarsigassarsititsinermi akiliutinut tapiissuteqarnissamut piumasaqaatit tunngavigalugit akiliutinut tapiissuteqarsinnaapput. Akiliutinut tapiisarnermut sinaakkusiussat piumasaqaatillu aalajangersakkani kingusinnerusumiittuni maleruagassiuunneqarput.

#### *§ 4-mut*

Taarsigassarsialik tapersiissutitalimmik inissialiortiternermut inatsisit malillugit Namminersorlutik Oqartussanut taarsigassarsiaqarpat, taarsigassarsiallip tapersiissutitalimmik illuliaq ikuallattoornissamut ajoqusernissamullu sillimmasersimasussaavaa. Taarsigassarsialik amerlanerusunut atuuffilimmik sillimmasiisnaavoq.

Ikuallattoornissamut ajoqusernissamullu sillimmasiissuteqarnissamik piumasaqarnermi, taarsigassarsiallip tapersiissutitalimmik illuliamik qularnaveeqqusiissuteqarnissaanik qulakkeerinniffiuvoq. Ikuallattoornissamut ajoqusernissamullu tunngatillugu sillimmasiissut nalinginnaasoq, pigisanik aalaakkaasunik ikuallattoornissamut ajoqusernissamullu qularnaveeqqusiisoqarnissaa eqqarsaatigineqarpoq.

#### *§ 5-imut*

##### *Imm. 1-imut*

Taarsigassarsianik ingerlasunik allannguinnissamut qinnuteqaat allaganngorlugu Naalackersuisunut nassiunneqassaaq. Qinnuteqaatip tunniunnissaanut piffissamik piumasaqartoqanngilaq, ingerlaavartumik suliarineqarsinnaammata. Suliaq Naalackersuisoqarfimmit oqartussaasutut akisussaasuusumit isumagineqassaaq.

##### *Imm. 2-mut*

Taarsigassarsiallip Naalackersuisut akiligaasa tiguneqartut tunngavissaqanngitsut utertillugit akilernissaat pisussaaffigaa. Utertitsilluni akiliinnissamut piumasaqaat piffissamut qinnuteqarfiusumut, taamatullu piffissamut taarsigassarsiat ingerlaffiusumut tamarmiusumut atuuttussanngortinneqarsinnaavoq. Naalackersuisut aningaasat, Naalackersuisut



tunngavissaqaratik taarsigassarsisumut akilersimasaasa utertillugit akilerneqarnissaat piumasarisinnaavaat. Assersuutigalugu taarsigassarsialik, soorlu isertitanut imaluunniit inoqutigiinni inuit amerlassusaannut tunngasunik eqqunngitsunik nalunaaruteqarsimasinnaavoq. Assersuutigalugu aamma taarsigassarsiallip inoqutigiinni allanngortoqarnera nalunaarutiginnitsoorsimasinnaavaa, tak. siunnersuummi § 17, imm. 3.

#### *§ 6-imut*

##### *Imm. 1-imut*

Naalackersuisut siunnersuut malillugu qinnuteqaatinik suliaqarnissamut maleruagassanik aalajangersaanissamut piginnaatinneqarput.

Paasissutissanik tapertaasussanik pissarsiniartarnermi assersuutigalugu qinnuteqartup inuit nalunaarsorsimaffiat malillugu najugaa pillugu paasissutissanik, imaluunniit qinnuteqartup ukiumut isertitai akileeraarutaasussat pillugit paasissutissanik pissarsiniartarnissaq eqqarsaatigineqarpoq.

Qinnuteqarnissamut immersugassanik nalinginnaanngorsakkanik, imaluunniit qinnuteqaammi pissutsinik assigiinngitsunik tulleriiaarinissamut naliliinissamulluunniit aalajangersakkanik suliaqartoqarsinnaavoq. Maleruagassanik, taamaallaat siunnersuummi aalajangersakkanut ataasiakkaanut tapertaasussanik aalajangersaasoqarsinnaavoq.

##### *Imm. 2-mut*

Aalajangersakkap atuutilernerani Naalackersuisut INI A/S-imut isumaqatigiissutini atuuttut ingerlateqqissinnaavaat, aammalu suliaqat isumagineqarnissaannut tapertassat assersuutigalugu aningaaserivinnut, kommuninut, ingerlatseqatigiiffinnut suliffeqarfinnullu isumaqatigiissuteqarsinnaallutik. Isumaqatigiissuteqarnikkut siunnersuummi aalajangersakkat ataasiakkaat naapertorlugit aalajangiinissaq allanut tunniunneqarsinnaanngilaq.

Isumaqatigiissut assersuutigalugu tassani pineqarsinnaapput taarsigassarsianik aqutsineq, taarsigassarsianut akileeqqusinerit, isumakkeerinerit aamma akiligassanngortut akiitsullu sinnerinik nuussineq, taarsigassarsianik allanngut, taarsigassarsinerit sulianik naammassinnineq nalimmassaanerlu il.il.

Namminersorlutik Oqartussat pissarsiassaannik akileeqqusisarnerit Akileraartarnermut Aqutsisoqarfimmit isumagineqassapput. Akileraartarnermut Aqutsisoqarfik pisortanut akiitsunik akilinngitsuukkanik akiliisitsiniartarneq pinaveersaartitsinerlu pillugit Inatsisartut inatsisaannut oqartussaasutut akisussaasuvoq. Inatsisartut inatsisaata ilaatigut imarai pissarsiassat siunnersuummi matumani ilaatinneqartut.

#### *§ 7-imut*

Naalackersuisut inissiamik, siunnersuummut ilaasunik taarsigassarsiaqarfiusumik taarsigassarsisumiit tiguseranni, tapersiissutitalimmik illuliap naliliiffiginissaanut Naalackersuisut maleruagassanik aalajangersaasinnaapput.

Maannamut tapersiissutitalimmik illuliat teknikkikkut aningaasaqarnikkullu naliliiffigineqartarnerat nalunaarusiornikkut maleruagassanik aalajangersaasoqartarsimanngilaq. Teknikkikkut aningaasaqarnikkullu naliusut maannamut tunngavissat, Ineqarnermut Attaveqatigiinnermullu Naalackersuisoqarfiup kaajallaasitaani nr. 13.011-mi, 17. august 1987-imeersumi aalajangersarneqartut tunngavigalugit naatsorsorneqartarput.

Teknikkikkut aningaasaqarnikkullu naliliisarnerni pingaarnertut tunngavissat, tapersiissutitalimmik illuliap pisiareqqinnerani akiusoq tunngavigalugu tapersiissutitalimmik illuliap nalinganik naatsorsuinnermut atorineqartarput, niuernermininga, inissisimaffia imaluunniit alianaassutsimut nalinga eqqarsaatiginagit.

Namminersorerullutik Oqartussat kommunillu inissiaataasa attartortittakkat teknikkikkut aningaasatigullu naliliivigineqartarnerat pillugu Namminersorerullutik Oqartussat nalunaarutaat nr. 25, 9. oktober 2008-meersumi, inissianik attartortitsisarneq pillugu Inatsisartut peqqussutaat naapertorlugu suliarineqartumi maleruagassanik aalajangersaasoqarsimavoq.

#### *§ 8-mut*

##### *Imm. 1-imut*

Taarsigassarsiat siunnersuummut ilaatinneqartut piginnittut nikinneranni akiligassanngortinneqassapput, tassanili piginnittut nikinneri, imm. 2-mut ilaatinneqartut pineqanngillat. Siunnersuummi § 9-mi sinaakkutissat iluanni pisisup tapersiissutitalimmik illuliami taarsigassarsianik ingerlasunik taarsigassarsinnermut piumasaqaatit piffissarlu akilersuiffissaq allanngortinnagit tiguserinnaaneranut Naalackersuisut akuersissuteqarsinnaapput.

##### *Imm. 2-mut*

Aalajangersagaq imm. 1-imi aalajangersakkamut ilanngunneqanngitsoq, tassanilu aalajangersarneqarpoq, piginnittut nikinneranni aamma taarsigassarsianik taarsigassarsinnermut piumasaqaatit piffissarlu akilersuiffissaq allanngortinnagit tiguserinnaanermi pissutsit arlallit, ataatsimut ilaqutariit iluanni piginnittut nikinnerannik taaneqarsinnaasut pineqartartut.

##### *Imm. 3-mut*

Inooqataasup illumik sanaqataaffiusumik aammalu taarsigassarsianik piumasaqaatit allanngortinnagit tiguserinnaanissaanut, pineqartut sivikinnerpaamik ukiuni marlunni taarsigassarsisumik inooqateqarsimanissaa aammalu inuit nalunaarsorsimaffianni inooqataasutut nalunaarsorsimanissaa piumasarineqarpoq. Tassalu inooqataasup

taarsigassarsisumi najugaqartutut inuit nalunaarsorsimaffianni allassimaannarluni allami najugaqarsimanissaa naammanngilaq.

Imm. 4-mut

Kingornussisarnermut maleruagassat aammalu kingornussisussat akornanni kina taarsigassarsisumut kingornussisussaassanersoq, taamaalillunilu tapersiissutitalimmik illuliamik aamma tapersiissutitalimmik illuliamut taarsigassarsianik tigusissanersoq pillugu isumaqatigiissusiaasinnaasut apeqqutaassapput.

#### *§ 9-mut*

Imm. 1-imut

Tapersiissutitalimmik illuliamik tunisinermi, aammalu piginnittut nikinnerat siunnersuummi § 8 ilaangippat, akiitsunik tigusinissamut Naalakkersuisut pisisumik taarsigassarsianut akiitsulittut akuerisinnaaneraat piumasaqaataassaaq. Akuersinermi akiliisinnaassutsimik naliliineq nalinginnaasooq apeqqutaassaaq.

Akiitsullip nutaap taarsigassarsianut ernialinnut akiliisinnaassusianik naliliinermi, akiitsullip nutaap akiligassanik ingerlaavartunik akiliisinnaassusia pingaartinneqassaaq. Akiitsullip nutaap taarsigassarsianik erniaqanngitsunik akilersugassaangitsunillu tigusinermi akiliisinnaassusianik naliliinermi, akiitsullip nutaap tapersiissutitalimmik illuliamik aserfallatsaaliuisinnaassusia pingaartinneqassaaq.

Akiitsulik nutaaq ukiumi akileraarfiusumi kingullermi ukiumut inoqutigiinni akileraarutaasussanik 180.000 koruuninik taakkuluunniit inorlugit isertitaqarsimappat, imaluunniit piffissami qanittumi maannamut isertitarisarsimasaat apeqqutaatinnagit inoqutigiinni ukiumut 180.000 koruuninik taakkuluunniit inorlugit isertitaqartalernissaa naatsorsuutigineqarpat Naalakkersuisut akiitsullit nikinnissaannut qinnuteqaammut itigartitsisinnaapput.

Imm. 3-mut

Tapersiissutitalimmik illuliamik ingerlasunik taarsigassarsiaqarfiusumik tunniussinermi piginnittut nikinneranni akiliuteqartitsinissamut piumasaqaatinik Naalakkersuisut aalajangersaasinnaapput. Aalajangersagaq pingaartumik piginnittut nikinnerannut, pisinissamut akimik isumaqatigiissuteqarfiusumut, taassumalu uppersarnerani tunisisumut aningaasanngorlugit akiliinermik kinguneqartumut atorineqartariaqarpoq.

Akiitsullit nikinneranni tunniussinermi tunisisumut aningaasanngorlugu akiliuteqartoqarsimatillugu, tamatumalu peqatigisaanik taarsigassarsiat akilerneqarsimatinnagit appartinneqarsimatinnagilluunniit Naalakkersuisut pingaarnertut itigartitsisariaqarput.

#### *§ 10-mut*

Piginnittut nikinnerat taamaallaat inuit nammineersinnaatitaasut akornanni pisinnaavoq. Taamaalilluni inuit nammineersinnaatitaanngitsut aamma inuit 18-it inorlugit ukiullit kiisalu suliffeqarfiit akiitsullit nikinnissaannut qinnuteqarsinnaatitaanngillat. Akiitsulik nutaaq Kalaallit Nunaanni najugaqartutut inuit nalunaarsorsimaffianni nalunaarsorsimassaaq.

### *§ 11-mut*

#### Imm. 1-imut

Naalackersuisut taarsigassarsianik, akilersuutinut tapiissutitalinnik tamanik allannguinnissamut nutaanik taarsigassarsititsisinnaapput. Taarsigassarsianik allannguinnermi taarsigassarsiat ingerlasut tamarmik taarsigassarsianut nutaanut kattunneqassapput.

#### Imm. 2-mut

Aalajangersakkami allannguinnermut taarsigassarsiani immikkoortut ataasiakkaat aalajangersarneqarput. Tassani taarsigassarsiallip Namminersorlutik Oqartussanut taarsigassat tamarmiusut kattunneqarnissaat paasinarsarneqarnissaallu siunertaavoq.

#### Imm. 3-mut

Akilersuinissamut pilersaarummi taarsigassarsiallip aningaasaqarnerminik takunnissinnaanissamut ikiorneqarnissaa siunertarineqarpoq. Taamaattumik akilersuinissamut pilersaarut taarsigassarsiallip qaammammut akiliutissaasa amerlassusissaannik aammalu allannguinnermut taarsigassarsiat akilersorneqarnissaannut piffissanik imaqassaaq. Taarsigassarsinnermut piumasagaatit taarsigassarsinnermut isumaqatigiisummi aalajangersarneqassapput.

### *§ 12-imut*

#### Imm. 1-imut

Inunnut, ukiuni akileraarfiusuni kingullerni marlunni 180.000 koruunit sinnerlugit inoqutigiinni ukiumut isertitaqarsimasunut taarsigassarsianik ingerlasunik, akilersuutinut tapiiffiusunik allannguinnissamut akilikkanut tapiissutitalinnik taarsigassarsititsisoqarsinnaavoq. Inuit, piffissami qanittumi maannamut isertitarisarsimasat apequtaatinnagit inoqutigiinni ukiumut 180.000 koruuninik taakkuluunniit sinnerlugit isertitaqarnissamik naatsorsuutigisaqartut allannguinnissamut taarsigassarsinissamik qinnuteqarsinnaapput.

Piffissap qanittup taaneqarnerani inuup ukiumut isertitassaasa 180.000 koruunit sinnerlugit amerlassuseqalernerinik kinguneqartumik pisoqareersimanissaa eqqarsaatigineqarpoq. Assersuutigalugu inuk ilinniakkaminik naammassinninnermini imaluunniit suliffissaaleqisuusimalluni atorfeqalersimasinnaavoq, akissarsiai qaffassimasinnaapput imaluunniit qitornartaarsimalluni ullormusiaqareerluni sulileqqissimasinnaalluni. Piffissami qanittumi inoqutigiinni isertitat 180.000 koruunit sinnerlugit amerlassuseqalernissaannik

naatsorsuutigisaqarnerup kingunerisaanik aamma inuup, Namminersorlutik Oqartussanut taarsigassarsianut akilersuinissamut periarfissaqalersimanissaa naatsorsuutigineqartariaqarpoq.

Taarsigassarsiallit inoqutigiinni ukiumut akileraarutaasussanik 180.000 koruuninik taakkuluunniit inorlugit isertitaqartut, aammalu taarsigassarsianut akilersuisinnaanngitsut taarsigassarsianik nuussinissamik isumakkeerinninnissamilluunniit qinnuteqarnissamut, tak. siunnersuummi kapitali 5, imaluunniit tapersiissutitalimmik illuliamik utertitsinissamut, tak. siunnersuummi kapitali 7, innersuunneqarput.

Imm. 2-mut

Taarsigassarsialik angerlarsimaffimmi najugaqartunik qitornaqarpat, allannguinnissamut taarsigassarsinissamut isertitanut killigitat qaffanneqassapput. Taamaalilluni taarsigassarsiallip qitornaminut angerlarsimaffimmi najugaqartunut aningaasartuutai taarserneqassapput. Isertitassanut killigitat annerpaamik katillugit 24.000 koruuninik qaffanneqarsinnaapput.

### *§ 13-imut*

Imm. 1-imut

Taarsigassarsialik allannguinnissamut taarsigassarsianik akilersuisinnaanersoq Naalackersuisunit immikkut naliliiffigineqassaaq. Tassalu taarsigassarsiallip siunnersuummi § 12 naammassisimaneraa naammanngilaq.

Aalajangersagaq naliliisarnermut, Naalackersuisunit suliarineqartumut malittarisassanik imaqarpoq. Immikkoortut naatsorsuiffigineqartut ataatsimut qinnuteqartup allannguinnermut taarsigassarsiat erniaannut akilersugassartaannillu akiliisinnaassusia takutissavaat.

Naalackersuisunit pingaartinneqassapput taarsigassarsiallip maannamut akiliisinnaassusia piumassuseqarneralu, kiisalu akiitsut sinnerisa amerlassusaaq. Taarsigassarsiallip manna akiliisarnermut pisussaaffini malissimappagit, taarsigassarsialik allannguinnissamut taarsigassarsitinneqarsinnaavoq.

Imm. 2-mut

Tapersiissutitalimmik illuliaq pisoqaappat, aammalu niuerutigineqarnermini annertunerusumik naleqanngippat, tamanna Naalackersuisut allannguinnissamut taarsigassarsititsinissaannut naleqqutissaaq. Taamatuttaaq illup allamut tunineqarsinnaannginnissaa ilimanaateqarpat atuutissaaq.

### *§ 14-imut*

Allannguissamut taarsigassartitsinermi inissiap qularnaveeqqusiissutaanerani salliutitsisoqassaaq. Namminersorlutik Oqartussat taarsigassarsiarititaannit tapersiissutitalimmik illuliaq qularnaveeqqusiullugu allamit taarsigassarsisumit atorsimappat, tamanna allanngortinneqassanngilaq. Tamanna pissappat taarsigassarsianut piumasaqaatit allanngortinneqassanngillat, aammalu allamit atornermi taarsigassarsisoq ataqqineqassalluni.

#### *§ 15-imut*

”Akiliutitut tapiissutitalimmik taarsigassarsiat” Naalackersuisut ernialinnik taarsigassarsititsinerattut paasineqassaaq. Taanna malillugu Naalackersuisut taarsigassarsiallip Naalackersuisunut taarsigassarsiaminut qaammammoortumik akiliutaannut Naalackersuisut tapiissuteqartarput. Taamaalilluni taarsigassarsiallip qaammammut akiliutitut aningaasartuutissat akilertartussaanngilai, taamaallaalli Naalackersuisut tapiissutiginnisaannut tunngasut akilertassallugit.

Taarsigassarsiallip qaammammut akiliutissani akilinngippagit, Naalackersuisut akiliutitut tapiissuteqassanngillat. Tamatuma inernerisaanik taarsigassarsisup akiitsui akilinngitsuukkat akiliutitut tamarmiusunut tunngalissapput, taarsigassarsisup akiligassaasa ilaannaanut tunngasuunatik.

Naalackersuisunit akiliutitut tapiissutit taarsigassarsinermi piumasaqaatit aalajangersimasut aamma akiligassat aalajangersimasut tunngavigalugit naatsorsorneqartassapput.

#### *§ 16-imut*

##### *Imm. 1-imut*

Taarsigassarsiat erniallit ingerlasut, akiliutitut tapiissuteqarfiusartut allanngortinneqaratik ingerlaannassapput. Taarsigassarsiat ernianut piffissamullu akilersuiffiusussamut piumasaqaatit atuuttut tunngavigalugit allanngortinneqaratik akilersorneqassapput.

##### *Imm. 2-mut*

Taarsigassarsiat ingerlasut, akiliutitut tapiiffiusartut allanngortinneqarnissaannut taarsigassarsititsinermi ataatsimoortunik nutaanik taarsigassarsititsisoqassaaq. Allannguissamut taarsigassarsititsinermi taarsigassarsisoq qaammammut ikinnerusunik akiliuteqartalernissamut periarfissaqalissaaq.

Taarsigassarsianut ingerlasunut piumasaqaatit apeqquaatinnagit allannguissamut taarsigassarsiat piffissanut agguakkanut taarsigassarsiatut tunniunneqassapput, ukiumut 6 procentinik erniaqartinneqarlutik. Allannguissamut taarsigassarsianut piffissaq akilersuiffiusussaq, taamaalillunilu qaammammoortumik akiligassat Naalackersuisunit aalajangersarneqartassapput. Piffissaq akilersuiffiusussaq qaammammoortumillu akiligassat taarsigassarsiallip akiliisinnaassusianut naleqqussarneqassapput.

Kisiannili taarsigassarsianut ingerlasunut allannguinernullu taarsigassarsianut piffissaq akilersuiffiususaaq tamarmiusoq ukiunit 25-nit sivisunerussanngilaq. Taarsigassarsiat ingerlasut ukiuni 20-mi akilersorneqartussaappata, piffissallu akilersuiffiusussap sinnera ukiunik tallimanik sivisussuseqarpat, allannguinessamat taarsigassarsiat sivisunerpaamik ukiuni qulini akilersugassanngorlugit taarsigassarsiaritinneqassapput.

Imm. 3-mut

Taarsigassarsialik saniatigut immikkut ittumik akilersuisinnaavoq. Saniatigut immikkut ittumik akilersuinerup kingunerisaanik taarsigassarsiat piffissaq akilersorneqarfissaat sivikillissaaq, taarsigassarsianut akiliutit allannguuteqassanngimmat. Taarsigassarsiallip saniatigut immikkut ittumik akilersuinerata kingunerisaanik Naalackersuisut akiliutinut 30 procentinik tapiissuteqassapput.

### *§ 17-imut*

Imm. 1-imut

Taarsigassarsialik saniatigulluunniit nalinginnaasumik akilersuigaluarpat, saniatigut immikkut ittumik akilersuigaluarpat, imaluunniit taarsigassarsisoq akiitsut sinnerinik tamarmiusunik akiliigaluarpat Naalackersuisut akiliutinut 30 procentinik tapiissuteqassapput. Tamatumani siunnersuummi §§ 15-16-imiinnersuussut tunngavigineqarpoq.

Imm. 2-mut

Naalackersuisut taarsigassarsiallip akiliutaanut nalinginnaasunut tapiissutaat taarsigassarsiallip qitornaanik 18-it inorlugit ukiulinnik, inissiami najugaqartutut inuit nalunaarsorsimaffianni nalunaarsorsimasunik angerlarsimaffimmi najugaqartoqarnera malillugu qaffanneqartassapput. Taamaattorli Naalackersuisut meeqqanut amerlanerpaamik arfinilinnut, tassalu 45 procentit nalinginut tapiissuteqartassapput. Taanna tapiissutinut 30 procentinut ilanngukkaanni, Namminersorlutik Oqartussat tapiissutaat annerpaamik qaammammut akiliutit tamarmiusut 75 procentii tikillugit amerlassuseqarsinnaapput.

Taarsigassarsialik saniatigut immikkut ittumik akilersuippat, imaluunniit siusinaarluni akiliippat, tamanna meeqqanut tapiissuteqarnermik kinguneqassanngilaq, tak. siunnersuummi § 16, imm. 3. Meeqqanut tapiissutit taamaallaat akiliutinut nalinginnaasunut tunngasuuvoq, akiligassallu akiligassanngortinneqartarneri malillugit ingerlasuullutik.

Taarsigassarsianik siusinaarluni akiliisarnermut siunnersuummi § 31 innersuussutigineqarpoq.

Imm. 3-mut

Meeraq akiliutinut appartitsissutaasartoq angerlarsimaffimmi najugaqanngippat, imaluunniit inissiami najugaqartutut inuit nalunaarsorsimaffianni nalunaarsorneqarsimannippat Naalackersuisunut ilisimatitsissalluni taarsigassarsisoq pisussaavoq. Taarsigassarsiallip pisussaaffilerneqarneranut taarsigassarsiallip meeqqanut angerlarsimaffimmi najugaqanngitsunut, aamma inissiami najugaqartutut inuit nalunaarsorsimaffianni

nalunaarsorsimangitsunut akiliutinut appaatissanik tigusinissamut  
pissinnaatitaaffeqaanginnera, aammalu taarsigassarsiallip meeqqat qanoq amerlatigisut  
angerlarsimaffimmi najugaqarnerinik aammalu inissiami najugaqartutut inuit  
nalunaarsorsimaffianni nalunaarsorsimanerinik paasissutissiinissamut qaninnerpaanera  
tunnngavigineqarpoq.

#### *§ 18-imut*

Taarsigassarsialik taarsigassarsianut ernialinnut akiligassanngortinneqartunik akiliinngippat,  
Naalackersuisut taarsigassarsianut akiligassanngortinneqartunik akiliinissamut allakkatigut  
piumasaqaateqassapput. Allakkatigut piumasaqaateqarnermi akiitsunut akilinngitsuukkanut  
piumasaqaateqarnermut akiliut, tunnngaviusumik 50 koruuniusoq, aammalu akiitsut 1.000  
koruunit sinnerlugit amerlassuseqartut 2 procentiinik ilaneqarluni naatsorsorneqartoq  
tapiliunneqassapput.

Taarsigassarsiallip akiliinissamut pissusaaffeqaarnera akitsuullu akilinngitsuukkat erniaanik  
akiliisussaatitaanera akileeqqusinermut attuumassuteqaangillat. Akiitsut akilinngitsuukkat  
ullormit akiliiffissamiit ernialernejartarput.

#### *§ 19-imut*

##### *Imm. 1-imut*

Naalackersuisut akiligassat akiligassanngortinneqartut, akiligassat akilinngitsuukkat,  
peqqusinermut akiliutit aammalu taarsigassarsiani ernialinni ingerlasuni imaluunniit  
allannguinermut taarsigassarsiani akiitsut sinneri nuussinnaavaat.

Taarsigassarsiallip inoqutaani piffissami qanittumi isertitassanut piumasaqaatit,  
piffissami qanittumi inuup ukiumut isertitassaasa ukiumut 180.000 koruunit sinnerlugit  
amerlassuseqalernerinik kinguneqartumik pisoqareersimanissaanut atorneqarnissaat  
eqqarsaatigineqarpoq. Assersuutigalugu inuk siusinaartumik  
sulisinnaajunnaarnersiutisiaqalersimasinnaavoq utoqqalinersiaqalersimasinnaallunilu,  
imaluunniit inuup aappani inooqatiniluunniit annaasimasinnaavaa, taamaattumillu  
taarsigassarsiallip inoqutaani isertitat akileraarutaasussat ataavartumik siornatigumullu  
naleqqiullutik annertuumik ajorseriartussaasut ilimagineqarsinnaavoq.

Taarsigassarsiat uninngasut taarsigassarsiaapput unikkallartinneqartut, ernialernejarneq  
ajorput akilersugassaanatillu.

##### *Imm. 2-mut*

Taarsigassarsiat uninngasut erniaqaangitsut akilersugassaanngitsullu nuunneqarnerini ukiunut  
tallimanut atuuttussanngortitsisoqartassasoq, sivitsuinissamullu periarfissiisoqassasoq  
siunnersuutigineqarpoq. Ukiut tallimat qaangiunnerini taarsigassarsianut akilersuineq  
nalinginnaasoq aallarteqqinneqassaaq, piffissaq erniaqartitsiviunngitsoq  
akilersuiffiusussaangitsorlu sivitsorneqarsimangippat.



Ukiut tallimat qaangiunnerini sivitsuinissamut qinnuteqaat, aammalu taarsigassarsiallip inoqutaani isertitat piffissamit qinnuteqarfiusumit aammalu siunnersuummi § 19, imm. 1 naapertorlugu naatsorsorneqartut tunngavigalugit suliareqqinneqassaaq.

Imm. 3-mut.

Siunnersuummi § 19, imm. 1-imi isertitassanut killiliussat meeqqanut angerlarsimaffimmi najugaqartunut, 18-it inorlugit ukioqartunut, najukkami inuit nalunaarsorsimaffianni nalunaarsorsimasunut, taamaattorli amerlanerpaamik meeqqanut arfinilinnut, meeqqamut ataatsimut 4.000 koruuninik qaffanneqartassapput.

Assersuutigalugu taarsigassarsialik angerlarsimaffimmi najugalinnik, 18-it inorlugit ukiulinnik tallimanik, inissiami najugaqartutut inuit nalunaarsorsimaffianni nalunaarsorsimasunik tallimanik qitornaqarpat, taarsigassarsialik inoqutiginni 200.000 koruunit inorlugit akileraarutaasussanik isertitaqartarsimaguni akiitsuminik nuussinissamik qinnuteqarsinnaavoq.

Imm. 4-mut

Aamma aalajangersagaq atorunnaarsitsinermut aalajangersagaavoq. Taarsigassarsialik tammaaneqarpat, tamanna eqqartuussisulersuussinissamut piumasaqaateqarfiusaaq, tassanilu taarsigassarsialik tammaaneqartutut aammalu toqusimasutut isigineqartoq aalajangiiffigineqassaaq, tak. tammaaneqartut pillugit inatsit. Tammaaneqartut pillugit aalajangersagaq sulianut annertunerusumik isumaqartussaangilaq, tamanna sioqqullugu taarsigassarsiat akiligassanngortinneqareersimanissaat ilimanarmat.

Aalajangersagaq aamma piginnittut nikinnerannut nassuiaammik imaqarpoq. Piginnittut nikinnerat tassaavoq akiitsullit qanorluunniit nikinnerat, tassungalu niuernertaqanngitsumik tunniussineq ilaavoq, taamatuttaarlu piginneqataasumut, aappaasumut, aappaasutut nalunaarsorsimasumut, kingornussisussanut imaluunniit inooqataasumut tunniussineq nuussinerluunniit piginnittut nikinnerattut isigineqarluni.

#### *§ 20-mut*

Taarsigassarsialik taamaallaat akilinngitsuukkanik akiitsoqarpat, kisiannili akiitsut sinneqanngippata aalajangersagaq taarsigassarsiallip akiitsunik nuussinissaanut tunngasuvoq. Taamatut pisoqarnerani akiitsut ingerlaannartumik taarsigassarsianut erniaqanngitsunut akilersugassaangitsunullu, qaammatini 60-ini amerlaqatigiinnik aningaasartaqartinneqarlutik ikilisikkiartuaarneqartussanut nuunneqassapput.

Taarsigassarsiallip siunnersuummi § 28 napertorlugu inissiamik Naalakkersuisunut utertitsilluni tunniussisinnaatitaanera aalajangersakkamit sunniuteqarfigineqassanngilaq, taarsigassarsiap imaluunniit taarsigassarsiat taarsigassarsianut erniaqanngitsunut akilersugassaangitsunullu nuunneqarnerat apeqqutaatinnagu inissiami taarsigassarsiaqarneq ingerlaannartussaammat.

## § 21-mut

### Imm. 1-imut

§ 19, imm. 1 naapertorlugu taarsigassarsiat uninngasut taarsigassarsiallip illumik piginnittuunerani erniaqassanngillat akilersugassaassanatillu. Taarsigassarsiat akiligassanngortinneqarnissaannut piumasaqaat atuutilerpat, taarsigassarsiallip taarsigassarsiat erniaqanngitsut akilersugassaannngitsullu ataatsikkut aningaasanngorlugillu utertillugit akilissavai.

Pigisamik aalaakkaasumik qilersorsimannngitsumik niueruteqarnermi nalinga illup sumi inissisimanagera apeqqutaatillugu allanngorartorujussuusinnaasoq ilisimaneqarpoq. Tassalu soorlu illup type 67/12-ip niuerutigineqarnermini tunineqarnermiluunniit akia illup Nanortalimmiinnera, Nuummiinnera, Sisimiuniinnera Qaanaamiinneraluunniit apeqqutaalluni assigiinngitsorujussuusinnaavoq. Kisiannili illut sananeqarnerminni assigiingajannik akeqarsimanertik ataatsimoorutigaat, tassalu teknikkikkut aningaasaqarnikkullu nalingat assigiippoq.

Illut assigiit pingasut, assigiinnik pisoqaassusillit, Nanortalimmi, Nuummi Qaanaamiluunniit inissisimasut annermik neqerooruteqartumut tuniniarneqarnerini, tunisinermut akiusut allanngorartorujussuusussaapput. Nuummi tunisisup taarsigassarsiani akilersinnaassagai naatsorsuutigineqarpoq, kiisalu Qaanaami tunisisup akiitsui sinneqarsinnaapput, tunisinermi iluanaarutinit matussuserneqarsinnaanngitsut. Taamatut pisoqartillugu taarsigassarsialik aalajangersimasunik piumasaqaateqarfigineqarluni illumi tunineqareersumi, taarsigassarsialimmit pigineqarunnaartumi akiitsut sinnerisa isumakkeerneqarnissaannik Naalakkersuisunut qinnuteqarsinnaavoq.

### Imm. 2-mut

Taarsigassarsialik taarsigassarsianik akilersuinissamut periarfissaqarnersoq Naalakkersuisut aalajangiiffigissavaat. Tassalu taarsigassarsiallip ukiuni akileraarfiusuni marlunni kingullerni inoqutigiinni ukiumut akileraarutaasussanik 180.000 koruuninik amerlanerusunilluunniit isertitaqarsimanagera, imaluunniit piffissami qanittumi isertitaqarnissaanik naatsorsuuteqarneq naammannngilaq.

Naalakkersuisut qinnuteqartup pigisai nalillit aammalu inuussutissarsiorsinnaaneranut naatsorsuutigisat kiisalu illup pisoqaassusia, qanoq issusia tunisinermilu iluanaarutitut anguneqartut pingaartissavaat. Tamatuma akerlianik akiitsut sinnerisa amerlassusii qinnuteqartup akiitsut sinnerinik isumakkeeriniffigineqarsinnaaneramik naliliiffigineqarnerani immikkut apeqqutaatinneqassanngillat. Tassalu taarsigassarsiat ikittut taamatullu amerlasuut isumakkeeriniffigineqarsinnaapput.

Inissiaq assersuutigalugu naqitsineq atorlugu imermut, kuuffeqarfimmut innaallagissamulluunniit atortulersuusersorneqarsimannngippat, atortulersuusersugaasumut sanilliullugu inissiap nalinga appasingaatsiartumut inissinneqassaaq. Inissiaq nutaamik iluarsartuunneqarsimappat, soorlu nutaanik igalaalerneqarsimappat, illup qalia nutaamik taarserneqarsimappat nutaamilluunniit oqorsaqqinneqarsimappat, tamatuma nassatarisaanik

inissiap tunineqarnerani nalinga, inissiap nutaamik iluarsartuunneqarsimanginneranut sanilliulluni qaffasinnerungaatsiartussaavoq.

Akiitsunik isumakkeerisarneq ataatsimut isigalugu taamaallaat pisinnaassaaq, inissiaq sumiiffinni, niuernikkut naliusunik atuutsitsiviusinnaanngitsuni inissisimappat, aamma taarsigassarsiallip akiitsut sinnerinik akilersuisinnaanissaa naatsorsuutigineqanngippat. Piumasaqaatit taakku naammassineqanngippata, ataatsimut isigalugu akiitsut sinneri isumakkeerinniffigineqartariaqanngillat. Taarsigassarsisoq iluanaaruteqarfigisaminik illu tunippagu, tamatumalu kingorna akiitsut sinnerisa isumakkeerneqarnissaanik qinnuteqarpat iluarnaarniarneq tunngaviusinnaavoq.

Imm. 3-mut

Naalackersuisut qinnuteqaatinik suliaqartarnermut, sullissisarnermut naliliisarnermullu maleruagassiorsinnaapput, taakkunungalu isertitanut pigisanullu nalilinnut tunngasut suut isumakkeerinninnissamut naammassineqartussaannersut ilaatinneqassapput.

#### *§ 22-mut*

Inissiamut, taarsigassarsiallip pigiunnaagaanut, aammalu inissiamik utertitsinermut utertilluguluunniit tigusinermut atatillugu akiligassat akiligassanngortinneqartut, akiitsut akilinngitsuukkat, peqqusinermut akiliutit akiitsullu sinneri erngerlutik isumakkeerneqartassapput nalikillineqartassallutillu.

Siunnersuummi § 22 siunnersuummi § 27, imm. 3-p immikkoortuanut kingullermut aamma § 29, imm. 3 immikkoortuanut kingullermut, utertitsilluni tunniussinermi utertilluguluunniit tigusinermi taarsigassarsiallip akiitsuisa erngerluni nalikillineqarnissaannut tunngasunut atasutut isigineqassaaq.

Akiitsutoqqat akilinngitsuukkat inissiamik Namminersorlutik Oqartussanut siusinnerusukkat utertinneqarsimasumut utertilluguluunniit tiguneqarsimasumut atatillugu pilersinneqarsimasut, Inatsisartut inatsisissaannut siunnersuut manna naapertorlugu utertitsinermut utertitsilluniluunniit tigusinermut atatillugu akiitsutut akilinngitsuukkatut nutaatut suliarineqassapput.

#### *§ 23-mut*

Imm. 1-imut

Taarsigassarsiallit aningaasaqarnikkut annertuumik ajornartorsiortut akiligassat akiligassanngortinneqartunik, akiligassanik akilinngitsuukkanik, peqqusinermut akiliutinik akiitsullu sinnerinik isumakkeerinnissamut nuussinissamulluunniit piumasaqaatinik naammassinnissimangikkuni, inissiamut pigisaminnut tunngatillugu Naalackersuisunut taarsigassarsianut akilersuinerminnik unitsitsigallarnissaminnik qinnuteqarsinnaapput.

Aalajangersagaq inissianik, Naalackersuisunit taarsigassarsititsiviusimasunik piginnittut qaammammut akiligassaminnik akiliisarunnaarnissaasa pinngitsoortinnissaanut

iluqutaassaaq. Aamma aalajangersagaq Naalackersuisut inissianik utertitsisariaqartannginnissaannut ilaqtariinnillu anisitsillutik, tamatuma kingorna allamut inisseeqqittannginnissaannut iluqutaassaaq.

Akiliisarnermik unitsitsigallarnissamut aaqqissuussineq immaqa taarsigassarsisup kingusinnerusukkut Naalackersuisunit taarsigassarsiaminut akiligassaminik qaammammoortunik akiliisaqqilernissaannut iluqutissatut naammassinnaavoq. Taarsigassarsianut akiligassanik akiliisarnermik unitsitsigallarnissamut aaqqissuussinermi taarsigassarsiallip atuinnermut aningaasartuutitut, tassalu innaallagissamut, imermut kiassarnermullu, sillimmasiissutitut allanullu aningaasartuutitut aningaasartuuteqannginnissaa ilaatinneqanngilaq.

Imm. 2-mut

Nr. 1-imi imaluunniit 2-mi tunngavissat naammassineqarsimappata Naalackersuisut unitsitsigallarnissamut akuersisinnaapput.

Nr. 1 naapertorlugu taarsigassarsisup akiliisarnerninik aallartitseqqissinnaanera annertuumik qulakkeerneqarsimasussaavoq. Assersuutigalugu taarsigassarsialik napparsimalersinnaavoq, ukiup ataatsip iluani aaqqinnissaanik neriuuteqarfiusumik.

Nr. 2 naapertorlugu taarsigassarsiallip sivisunerpaamik ukiut marluk ingerlanerani akiitsumi isumakkeerneqarnissaannut nuunneqarnissaannulluunniit piumasagaatinik naammassinnissinnaanissaa annertuumik qularutigineqassanngilaq.

Imm. 3-mut

Naalackersuisut unitsitsigallarnissamut qinnuteqaatinik suliaqarnerminni immikkoortut pingaartitassaanni, taarsigassarsisup kingusinnerusukkut akiliisarnerninik aallartitseqqinnissamut periarfissaanut ataatsimut takussutissiornissaq siunertarineqarpoq, tassalu akiitsunik isumakkeerisarnermut atatillugu tamatumunnga malittarisassat tunngavigineqartut assigalugit.

#### § 24-mut

Imm. 1-imut

Tapersiissutitalimmik illuliortiternermut inatsit naapertorlugu inissianik alliliinermut pitsanngorsaanermulluunniit ernialinnik akiliutitut tapiissutitalinnik taarsigassarsititsisoqartarsimavoq.

Inissianut aningaasalersuisarneq pillugu Inatsisartut inatsisaanni § 16 naapertorlugu inissiani pioreersuni iluarsaassinissamut, pitsanngorsaanissamut alliliinissamullu erniaqanngitsunik akilersugassaanngitsunillu taarsigassarsititsisoqartarpoq.

Siunnersuummi § 24-p kingunerisaanik tapersiissutitalimmik inissialiortiternermut inatsit naapertorlugu alliliinissamut pitsanngorsaanissamullu taarsigassarsiat siunissami, aammalu

qinnuteqartoqarneratigut inissianik aningaasalersuisarneq pillugu Inatsisartut inatsisaat naapertorlugu taarsigassarsiarititat assigalugit taarsigassarsianut erniaqanngitsunut akilersugassaannngitsunullu allanngortinneqarsinnaapput.

Inissianik alliliinermut pitsannngorsaanermulluunniit taarsigassarsianik ernialinnik akiliutinut tapiissutitalinnik taarsigassarsianut erniaqanngitsunut akilersugassaannngitsunullu nuussinermi, siunnersuummi § 31 naapertorlugu sioqqutsilluni akiliisinnaanermut periarfissaq atorunnaassaaq.

Imm. 2-mut

Taarsigassarsiat ingerlasut erniallit 1. januar 2020-mi naatsorsorneqassapput, tamatumalu kingorna taarsigassarsianut erniaqanngitsunut akilersugassaannngitsunullu nuunneqassallutik. Taarsigassarsinermi qularnaveeqqusiissutaareersut piumasaqaatit tulleriarinerillu allanngortinnagit ingerlateqqinneqassapput.

Taarsigassarsiani ingerlasuni erniat akilersuutillu akilerneqareersut utertillugit akilerneqassanngillat.

#### *§ 25-mut*

Siunnersuummi § 25-p kingunerisaanik taarsigassarsiat erniaqanngitsut akilersugassaannngitsullu piginnittut nikinneranni akiligassanngortinneqassapput, inissianik aningaasalersuisarneq pillugu Inatsisartut inatsisaat naapertorlugu taarsigassarsiarititat assigalugit.

#### *§ 26-mut*

Imm. 1-imut

Tunngaviusumik inissiat, tapersiissutitalimmik inissialiortiterneq pillugu inatsit naapertorlugu Namminersorlutik Oqartussanit taarsigassarsiviusimasut qularnaveeqqusiissutigineqarnissaat eqqartuussisulersuussinermilu atorneqarnissaat inerteqqutaavoq. Taamaallaat qularnaveeqqusiinissamut eqqartuussisulersuussinissamulluunniit iluaqutaasumik inatsisitigut tunngavissaqarpat tamanna pisinnaavoq.

Inerteqquteqarneq taarsigassarsiallip inissiamik Naalakkersuisunut, Namminersorlutik Oqartussat taarsigassarsiallillu akornanni aningaasaqarnikkut iluarsisassat naatsorsorneqareernerisa kingorna inissiamik tiguisisussanut utertitsisinnanermut periarfissaqarneranut atasuuvoq.

Eqqartuussivinniit aalajangersagaq isiginiarneqassaaq, aammalu nalunaarsuinissamut uppenarsaatit, inissiap qularnaveeqqusiunneqarneranik kinguneqartut itigartissavaat, inissiarlu tunngavigalugu eqqartuussivikkoortitsinissamut suliakkiissutit inatsisillu tunngavigalugu iliuuserineqartut itigartissallugit.

Atuisinnaanermut killiliussat inissiami Namminersorlutik Oqartussanut taarsigassarsianik, akiligassallu akiligassanngortinneqartunik imaluunniit akiitsunik akilinngitsuukkanik peqartillugu atuutissapput. Taarsigassarsiallip suknulluunniit akiitsut sinnerinik, akiligassanik akiligassanngortinneqartunik akiitsuusinnaasunillu akilinngitsuukkanik akiliinermigut atuinissamut killiliussat taaneqartut iperarsinnaavai. Taarsigassarsiallip akiliisinnaajunnaarnermini pigisaanut taamatutaaq atuisinnaanermut killiliussat taaneqartut iperarneqarsinnaapput.

Qularnaveeqqusiissuteqarsinnaanermut eqqartuussivilersuussinermullu inerteqquteqarnermut sillimmasiisarfiit akiliutissanut akilinngitsuukkanut pinngitsaaliilluni akiliisitsiniarsinnaanerat ilaatinneqanngillat, tak. imm. 2.

Imm. 2-mut

Siunnersuummi imm. 2-p oqaasertai ataasiakkaat iluarsineqarput, aningaasalersuisarneq pillugu inatsisip Kalaallit Nunaannut atuuttussanngortinneqarnera pillugu peqqussummi nr. 838, 14. august 2012-imeersumi § 60, imm. 3-p oqaasertaanut assingusunngorlugit. Siunnersuummi imm. 2 aningaasalersuisarneq pillugu inatsisip Kalaallit Nunaannut atuuttussanngortinneqarnera pillugu peqqussummi nr. 838, 14. august 2012-imeersumi § 60, imm. 3-p naapertorlugu atorneqarsinnaassaaq nassuiarneqarsinnaassallunilu.

Siunnersuut aningaasalersuisarneq pillugu inatsisip Kalaallit Nunaannut atuuttussanngortinneqarnera pillugu peqqussutimmi nr. 838, 14. august 2012-imeersumi § 60, imm. 1-imut atasutut isigineqassaaq. § 60, imm. 1-ip kingunerisaanik sillimmasiisarfiit, illumik ikuallattoornissamut sillimmasiiffiusut akiligassap akilerneqannginnera peqqutigalugu illumik ikuallattoornissamut sillimmasiissut atorunnaarsissinnaanngilaat.

Siunnersuutip kingunerisaanik sillimmasiisarfiit, illumik ikuallattoornissamut sillimmasiiffiusut tapersiissutitalimmik illuliamut akiliussigallarnermi akiligassat erniaallu aammalu aningaasartuutit allat illumik pinngitsaaliissummik tuniniaanissaq siunertaralugu akilersinniarsinnaavaat.

Siunnersuutip kingunerisaanik sillimmasiisarfiit, illumik ikuallattoornissamut sillimmasiiffiusut akiligassanut ingerlaavartumik erniaqartinneqartunut aningaasartuutinullu allanut qularnaveeqqusiiffigineqarnissamut pisinnaatitaaffeqarput. Qularnaveeqqusiiffigineqarnissamut pisinnaatitaaffeqarnermi sillimmasiisarfiup akiligassanik ingerlaavartumik erniaqartinneqartunik aningaasartuutinillu naatsorsugai tunngavigalugit pinngitsaaliissummik naammassinnitsitsiniartoqarsinnaavoq. Pinngitsaaliissummik naammassinnitsitsiniarneq eqqartuussinertaqanngitsumik, isumaqatigiissuteqarfiunngitsumik pinngitsaaliissummillu naammassinnitsitsiniarnermi tunngavissanik assingusunik tunngaveqanngitsumik ingerlanneqarsinnaavoq. Tapersiissutitalimmik illuliamik pinngitsaaliissummik tuniniaanissaq siunertaralugu akiliussigallarnermi Kalaallit Nunaanni eqqartuussiriaaseq pillugu inatsimmi tamatumunnga aalajangersakkat tunngavigineqassapput.

Kiisalu siunnersuutip kingunerisaanik ullormit akiliiffissamiit ukiumi ataatsimi sillimmasiisarfiit, illumik ikuallattoornissamut sillimmasiiffiusut tapersiissutitalimmik illuliamik qularnaveeqqusiivigineqarnissamut Namminersorlutik Oqartussanit qularnaveeqqusiiiviusunillu allanit salliutinneqassapput.

Ingerlatseqatigiiffiup akiligassanut erniaqartinneqartunut aningaasartuutinullu allanut qularnaveeqqusiiiffigineqarnissaata, kiisalu ullormit akiliiffissamiit ukiumi ataatsimi tapersiissutitalimmik illuliamik qularnaveeqquserneqartumik qularnaveeqqusiivigineqarnissaata kingunerisaanik, sillimmasiisarfik, illumik ikuallattoornissamik sillimmasiiviusoq tunngaviusumik, ingerlatseqatigiiffik akiliutinik akiliinngitsoortoqarnera peqputigalugu sillimmasiissummik taamaatitsisinnannginneranut atatillugu annaasassaqaanngilaq.

#### *§ 27-mut*

##### *Imm. 1-imut*

Akuttunngitsumik inissiap niurutigineqarnerani nalingata aamma Namminersorlutik Oqartussanut taarsigassarsiat akornanni oqimaaqatigittoqarsinnaanngilaq. Namminersorlutik Oqartussanit taarsigassarsiat nalinginnaasumik inissiap niurutigineqarnerani nalinganit amerlanerusassapput. Tamanna qularnaveeqqusiiinissamut inerteqquteqarnermut atatinneqassaaq, tak. siunnersuummi § 26.

Taamaattumik taarsigassarsiallip inissiamik Namminersorlutik Oqartussanut utertitsinissaminik kissaateqarpat, Naalackersuisut inissiaq tigussallugu pisussaaffigaat. Taarsigassarsisup taamaallaat inissiaq Namminersorlutik Oqartussanut tunniussinnaavaa, inissiami Namminersorlutik Oqartussanit taarsigassarsisoqarsimappat.

##### *Imm. 2-mut*

Naalackersuisut taarsigassarsisumut aningaasaqarnikkut iluarsisassat naatsorsussavaat. Piffissamut naatsorsuiffiusumut ulloq, taarsigassarsiallip allakkatigut piunasaqaateqarfiunngitsumillu inissiamik Namminersorlutik Oqartussanut utertitsiniarluni Naalackersuisunut nalunaaruteqarfia aallarniiffiussaaq.

##### *Imm. 3-mut*

Inissiap niurutigineqarnerani nalinganut aningaasaqarnikkut iluarsisassat, Namminersorlutik Oqartussat taarsigassarsiallimumt piunasaqaataanik ilanngarlugit Naalackersuisunit naatsorsorneqassapput. Taarsigassarsiallip iluanaarutissai tunniunneqassapput. Namminersorlutik Oqartussat iluanaarutissaat nalikillineqassapput.

Inissiap niurutigineqarnerani nalinganut aningaasaqarnikkut iluarsisassat naatsorsorneqartarneri 2019-imut Aningaasanut Inatsimmi kontomut pingaarnermut 20.30.07-imut tamanna pillugu oqaasertaliussaq nr. 2-mi maleruagassanik ingerlatitseqqinneruvoq.

Inissiap teknikkikkut aningaasaqarnikkullu nalinga atornagu, inissiap niurutigineqarnerani nalinga tunngavigalugu naatsorsuisarnermi taarsigassarsisup siunertaanngitsumik

iluanaarniapilussinnaanera aammalu Namminersorlutik Oqartussat amerlaqataannik annaasaqarsinnaanerat pinngitsoortinniarneqarpoq.

Naalackersuisut illumik ikuallattoornissamut sillimmasiissutitut akiligassat akilinngitsuukkat matussuserniarlugit akiliussigallarsimappata, taakku aningaasaqarnikkut iluarsisassat naatsorsorneqarneritut ilanngunneqassapput. Siunnersuut sillimmasiisarfiit, illumik ikuallattoornissamut sillimmasiiviusut illumik ikuallattoornissamut sillimmasiissutitut akiligassanut ernialinnut akilinngitsuukkanut aningaasartuutinullu allanut sillimmatitut illumik sillimmasikkamik qularnaveeqqusiivigineqarnermi qularnaveeqqusiiviusunit allanit salliutinneqarnissaasa kinguneraat. Tapersiissutitalimmik illuliamik Namminersorlutik Oqartussat tiguserminnut atatillugu tapersiissutitalimmik illuliamik piginnittuusimasoq sinnerlugu piumasaqaatit qularnaveeqqusikkat akilertussaassavaat.

Imm. 4-mut

Inissiap niuerutigineqarnermini nalinga illunik tuniniaasartumit, Namminersorlutik Oqartussanit toqqarneqartumit aalajangersarneqassaaq. Illunik tuniniaasartoq Kalaallit Nunaanni suliffimmik ingerlatsissaaq, aammalu illoqarfinni nunaqarfinnilu, tapersiissutitalimmik illuliat inissisimaffigisaanni inissianik naliliisarnermik misilittagaqassalluni.

Inissiap niuerutigineqarnerata nalinganik naliliinermut tunngavissalimmik akerliliisoqarpat, Naalackersuisut tapertassanik naliliisitsisinnaapput.

#### § 28-mut

Aalajangersakkami pisuni qanoq ittuni Namminersorlutik Oqartussat taarsigassarsiarititaasa akiligassanngortinneqassanersut allaaserineqarpoq.

Nr. 1-imut

Taarsigassarsiallip piffissaq eqqorlugu ernianut akilersuutinullu akiliisinnaannginnerata kingunerisaanik taarsigassarsiat akiligassanngortinneqassapput. Taamaalluni taarsigassarsialik taarsigassarsiaminut akilersuisinnaanngikkuni, taarsigassarsialik akilersuinissamik Naalackersuisunut isumaqatigiissuteqarsinnaanngilaq.

Qularnaveeqqusiisarneq pillugu Kalaallit Nunaannut inatsit atuuttoq malillugu taarsigassarsialik piffissarititaasoq naatinngit pillugu pigisamut aalaakkaasumut piginnittuunermut allagartaq malillugu ernianut akilersuutinullu akiliisimassaaq, tamanna pillugu allakkatigut piumasaqaatip Naalackersuisunit nassiunneqarneraniit saqqummiunneqarneraniilluunniit kingusinnerpaamik ullut arfineq marluk qaangiutinnginnerini taarsigassarsisoq ernianut akilersuutinullu akiliisimappat. Ullup piffissaq eqqorlugu akiliiffissap kingorna piumasaqaat nassiunneqarsimassaaq, tassanilu ersarissumik allassimassaaq, piffissaliussap naannginnerani erniat akilersuutillu akilerneqarsimannigippata aningaasat akilerneqassasut. Piumasaqaat akiitsulimmut apuutissappat, Kalaallit Nunaanni najugaqarfiit akornanni aamma Kalaallit Nunaata naalagaaffiullu sinnerata akornanni nassiunneqartussaammat, piumasaqaat



nalunaarasuartaatitigut akiitsulimmut nassiunneqarsimangippat, akiliinissamut piffissaliusseq akiitsullip piumasaqaammik tigusaqarneraniit ullunik arfineq marlunnik sivilissusilerneqarpoq.

Nr. 2-mut

Taarsigassarsialik pisussaavoq, inissiaq isumannaatsumik aserfallatsaalissallugu. Tassani taarsigassarsiallip pisariaqalertillugu illup ilaanik taarsersuisinnaanissaa iluarsaassisinnaanissaalu, soorlu illup qalianik ussiitsumik imaluunniit igalaanik ussiitsunik taarsersuisinnaanissaa iluarsaassisinnaanissaalu eqqarsaatigineqarpoq. Aamma taarsigassarsiallip inissiaq ingerlaavartumik aserfallatsaalissavaa, soorlu pisariaqalertillugu inissiap silataa qalipattassallugu.

Nr. 3-mut

Inissiap ikuallattoornissamut ajoqusernissamullu sillimmaserneqarsimanginnera akiligassanngortitsinermut tunngaviusarpoq, inissiaq sillimmaserneqanngitsoq annertuumik ajoqusissappat tamanna Namminersorlutik Oqartussanut qularnaveeqqusiissutip ajorseriangaatsiarneranik kinguneqartussaammat. Ikuallattoornissamut ajoqusernissamullu sillimmasiinermit sillimmasiissut nalinginnaasoq, pigisani aalaakkaasuni ikuallattoornissamut ajoqusertoqarnissaanullu sillimmasiissutigineqartartoq eqqarsaatigineqarpoq.

Nr. 4-mut

Taarsigassarsiallip inissiaq tamakkerlugu ilaaluunniit isaterpagu, tamanna Naalakkersuisunit taarsigassarsiarititat akiligassanngortinneqarnerinik kinguneqassaaq.

Nr. 5-imut

Taarsigassarsialik inuussutissarsiummik inissiamit najukkaminiit ingerlatsinersoq Naalakkersuisut naliliisussaapput.

Inuussutissarsiornerup taaneqarnerani inissiap inuussutissarsiuutinik ingerlataqarnermut atorneqarnera eqqarsaatigineqarpoq. Inissiaq tamakkerlugu ilaaluunniit inuussutissarsiummik ingerlatsiviuppat, taarsigassarsiat akiligassanngortinneqassapput. Kisiannili inissiamiit inuussutissarsiuutinik iluanaarnanginnerusunik ingerlatsisoqarsinnaavoq, inissiaq pingaarnertut najugaqarfittut atorneqarpat. Tikeraanut angerlarsimaffiit tikeraanulluunniit inissiat, motel-it, cabin-it, akunnittarfiit assigisaalluunniit najugaqarfinnut ilaatinneqanngillat.

Inissiaq pingaarnertut najugaqarfittut atorneqarnerisooq Naalakkersuisut naliliisussaapput. Tunngaviusumik inissiami ini ataaseq sinnerlugu inuussutissarsiuutinut iluanaarnanginnerusunut atugassatut aaqquissuussisoqassanngilaq. Ataatsimut isigalugu inissiami inuussutissarsiuutinik iluanaarnanginnerusunik ingerlatsiviusoq inissiami annikitsuinnaassaaq. Inuussutissarsiuutinut iluanaarnanginnerusunut allanut assersuutitut taaneqarsinnaapput allaffik kukkunersuisoqarfik imaluunniit pilerisaarusiortarfik minnerusoq, sullitanut attaveqartarnermit inissiamiit avammut ingerlatsiviusoq, namminersorluni ulluunerani paaqqinnittarneq imaluunniit isikkanik passussivik.

Nr. 6-imut

Taarsigassarsialik Naalakkersuisunit akuerineqarani inissiamit pigisaminit nuuppat imaluunniit attartortitsippat taarsigassarsiat akiligassanngortinneqassapput. Taamaalilluni tunngaviusumik taarsigassarsiat akiligassanngortinneqassanngippata, taarsigassarsisup inissiami taarsigassarsititsiviusumi najugaqarnissaa piumasarineqarpoq.

Taarsigassarsisup inissiaq pigisani piffissami killilikkami attartortissappagu imaluunniit inissiaq pigisani attartortussamik nassaarsinnaannginneq, imaluunniit sumiiffimmi inissiat inoqanngitsut amerlanerat peqputigalugu attartortinngikkaluarlugu piffissami killikkami qimassappagu Naalakkersuisut akuersissuteqarsinnaapput. Pingaartumik taarsigassarsiallip illoqarfimmi nunaqarfimmiluunniit, taarsigassarsiallip inissiaataata inissisimaffigisaani suliffeqarniarnerup kingunerisaanik taarsigassarsialik allamut nuukkallarniarluni aalajangernerani akuerineqarnissaa anguneqarsinnaavoq.

Nr. 7-imut

Taarsigassarsialik inissiaq qularnaveeqqusiullugu taarsigassarsisinnaanngilaq, qularnaveeqqusiissut Naalakkersuisunit taarsigassarsianit salliutinneqaraluarpuunniit. Inerteqquteqarnermut taarsigassarsiallip inissiamik Naalakkersuisunut, Namminersorlutik Oqartussat taarsigassarsiallilu akornanni aningaasaqarnikkut iluarsisassat naatsorsorneqareernerisa kingorna inissiamik tiguisusussanut utertitsisinaanermut periarfissaqarnera peqputaavoq.

Nr. 8-mut

Naalakkersuisut qularnaveeqqusiiviusutut inissiap isumannaatsumik aserfallatsaalineqarnissaanik, taamaalillunilu qularnaveeqqusiissutaasup atuutiinnarnissaanik isumannaarinissamut pisinnaatitaaffeqarput. Tamanna isumannaarniarlugu Naalakkersuisut inissiap iluanut iserlutik takuniaanissaat pisariaqarsinnaavoq, taamaattumillu Naalakkersuisut iseqquneqanngippata, tamanna akiligassanngortitsinermut tunngavigineqassaaq.

Nr. 9-mut

Naalakkersuisut iluarsaassinermut, alliliinermut pitsanngorsaaner Mulluunniit aningaasalersuinissamut taarsigassarsiarititaannut inissiap qularnaveeqqusiissutigineqarnissaa isumannaarniarlugu aalajangersagaq ikkunneqarpoq. Taarsigassarsisup alliliineq pitsanngorsaanerluunniit, Naalakkersuisunit taarsigassarsititsivigineqartoq naammassinngippagu, inissiaq naleqarnerulingitsoorsinnaavoq, taamaalillunilu Naalakkersuisut taarsigassarsiarititaminnut inissiaq qularnaveeqqutigisinnaanngilaat.

*§ 29-mut*

Imm. 1-imut

Naalakkersuisut taarsigassarsiarititaat siunnersuummi § 28-mi taaneqartut peqputigalugit akiligassanngortinneqarpata, Naalakkersuisut inissiaq utertinniarlugu kisimiillutik aalajangersinnaavaat. Naalakkersuisut aalajangiinerat tunngavigalugu utertitsilluni tiguisoqassaaq. Tigusinissamut eqqartuussisutigut aalajangiisoqarnissaa

piumasarineqanngilaq. Naalakkersuisut aalajangiinerat akiliisitsiniartartut aqutugalugit pinngitsaaliinikkut naammassineqarsinnaavoq.

Imm. 2-mut

Naalakkersuisut taarsigassarsisumut aningaasaqarnikkut iluarsisassat naatsorsussavaat. Piffissamut naatsorsuiffiusumut ulloq, taarsigassarsiallip allakkatigut piumasaqaateqarfiunngitsumillu inissiamik Namminersorlutik Oqartussanut utertitsiniarluni Naalakkersuisunut nalunaaruteqarfia aallarniiffiusaaq.

Imm. 3-mut

Inissiap niuerutigineqarnerani nalinganut aningaasaqarnikkut iluarsisassat, Namminersorlutik Oqartussat taarsigassarsiallimmut piumasaqaataanik ilanngarlugit Naalakkersuisunit naatsorsorneqassapput. Taarsigassarsiallip iluanaarutissai tunniunneqassapput. Namminersorlutik Oqartussat iluanaarutissaat nalikillineqassapput.

Inissiap niuerutigineqarnera tunngavigalugu aningaasaqarnikkut iluarsisassanik naatsorsuisarneq siunnersuummi § 27, imm. 3-p assigaa. Tassalu utertitsinermi utertitsillunilu tigusinermi aningaasaqarnikkut iluarsisassanik naatsorsuisarnermut maleruagassatigut tunngaviusut assigiit tunngavigineqassapput.

Inissiap teknikkikkut aningaasaqarnikkullu nalinga atornagu, inissiap niuerutigineqarnerani nalinga tunngavigalugu naatsorsuisarnermi taarsigassarsisup siunertaanngitsumik iluanaarniapilussinnaanera aammalu Namminersorlutik Oqartussat amerlaqataannik annaasaqarsinnaanerat pinngitsoortinniarnearpoq.

Naalakkersuisut illumik ikuallattoornissamut sillimmasiissutinut akiligassat akilinngitsuukkat matussuserniarlugit akiliussigallarsimappata, taakku aningaasaqarnikkut iluarsisassat naatsorsorneqarnerinut ilanngunneqassapput. Siunnersuut sillimmasiisarfiit, illumik ikuallattoornissamut sillimmasiiffiusut illumik ikuallattoornissamut sillimmasiissutinut akiligassanut ernialinnut akilinngitsuukkanut aningaasartuutinullu allanut sillimmatitit illumik sillimmasikkamik qularnaveeqqusiivigineqarnermi qularnaveeqqusiiviusunit allanit salliutinneqarnissaasa kinguneraat. Tapersiissutitalimmik illuliamik Namminersorlutik Oqartussat tigusinerminnut atatillugu tapersiissutitalimmik illuliamik piginittuusimasoq sinerlugu piumasaqaatit qularnaveeqqusikkat akilertussaassavaat.

Imm. 4-mut

Inissiap niuerutigineqarnermini nalinga illunik tuniniaasartumit, Namminersorlutik Oqartussanit toqqarneqartumit aalajangersarneqassaaq. Illunik tuniniaasartoq Kalaallit Nunaanni suliffimmik ingerlatsissaaq, aammalu illoqarfinni nunaqarfinnilu, tapersiissutitalimmik illuliat inissisimaffigisaanni inissianik naliliisarnermik misilittagaqassalluni.

Inissiap niuerutigineqarnerata nalinganik naliliinermit tunngavissalimmik akerliliisoqarpat, Naalakkersuisut tapertassanik naliliisitsinnaapput.

### *§ 30-mut*

#### Imm. 1-imut

Tapersiissutitalimmik illuliaq Namminersorlutik Oqartussanut utertinneqarsimasoq imaluunniit tiguneqarsimasoq siunnersuummi §§ 28 imaluunniit 30 naapertorlugit inummut allamut tunineqarsinnaavoq. Tunissinermi tunngaviusumik niuernermin naliusoq atorineqassaaq, taamaattorli minnerpaamik inissiap teknikkikkut aningaasaqarnikkullu nalinganik annertussuseqassalluni.

Pisortat pigisanik aalaakkaasunik niueruteqartunut annikinaaralutik neqeroruteqartannginnissaat siunnersuummi qulakkeerniarneqarpoq. Inissiaq niuerutigineqarnermini nalinga, taamaattorli minnerpaamik inissiap teknikkikkut aningaasaqarnikkullu nalinga atorlugu tunineqarsinnaangippat, inissiaq pisortat inissiaataattut attartortittakkatut atorineqarsinnaavoq, siunertanut allanut atorineqarsinnaavoq imaluunniit isaterneqarsinnaalluni.

Siunnersuummi § 30, imm. 1 Inatsisartut Sanaartornermut Ataatsimiititaliaata UKA2018/217-ip, illunut sanaqataaffiusunut taarsigassarsititsisarneq pillugu Inatsisartut inatsisaannut tunngasup pingajussaanneerqarneranut isumaliutissiissutaa tunngavigalugu ikkunneqarpoq. Siunnersuutip illunut sanaqataaffiusunut taarsigassarsititsisarneq pillugu Inatsisartut inatsisaat nr. 28, 3. december 2018-imeersumi § 24, imm. 5 assigaa.

#### Imm. 2-mut

Imm. 1-imi allassimasut apeqqutaatinnagit Naalakkersuisut tapersiissutitalimmik illuliaq Namminersorlutik Oqartussanit utertinneqartoq imaluunniit tiguneqartoq kommunimut tunniussinnaavaa. Tunniussinermi pisinermut akiusoq illuatungeriinnit isumaqatigiissutigineqartoq atorineqarsinnaavoq. Tunniussinermi kommunip kingusinnerusukkut niunermut naliusoq, taamaattorli minnerpaamik inissiap teknikkikkut aningaasaqarnikkut nalinga atorlugu tuniseqqissinnaanera piumasaqaatigalugu tunniussisoqarnissaa Naalakkersuisunit qulakkeerneqassaaq.

Namminersorlutik Oqartussat inissiamik kommunimut naapertuuttumik tunniussisinaanissaat siunnersuummi qulakkeerniarneqarpoq. Assersuutigalugu sumiiffimmi pineqartumi inissianik attartortittakkanik aqutsinerup ataatsimoortinneqarnissaa qulakkeerniarneqarsinnaavoq.

### *§ 31-mut*

#### Imm. 1-imut

Taarsigassarsialik taarsigassarsiaanut ingerlasunut aamma allannguineranut taarsigassarsiaanut, akiliutinut tapiinissamut piumasaqaatit malillugit taarsigassarsiaritinneqartunut sioqqutsilluni akiliisinaanissamut periarfissinneqassasoq siunnersuutigineqarpoq. Siunnersuummi taarsigassarsiat ingerlasut aamma allannguineranut taarsigassarsiat, akiliutinut tapiinissamut piumasaqaateqarfiusut pineqarput.

Siunnersuut Namminersorlutik Oqartussat tapiissutitalimmik inissialiortiternermi taarsigassarsiarititaasa ikilisinneqarnissaannut iluaqutaasinnaavoq. Tamatuma peqatigisaanik inissianik piginnittut inissiaq namminneerlutik aalajangikkaminik atuisinnaanissamut qulakkeerivigineqassapput.

Illuliortiternernut aningaasalersuineq pillugu Inatsisartut inatsisaanni nr. 39, 23. november 2017-imeersumi maanna naliusut atorlugit sioqqutsilluni akiliisinnaanissamut periarfissaq ilanngunneqarpoq. Periarfissaq taanna taarsigassarsialinnit atorneqarluarsimavoq.

Piffissaq sioqqullugu akiliinermi akiitsut sinneri 30 procentinik, tassalu Namminersorlutik Oqartussat taarsigassarsiat nalinginnaasumik akilersorneqarnerini akiliutinut tapiissutaasa amerlaqataannik ilanngarneqassapput. Tamatuma kingorna taarsigassarsiaaqaartut appartitat piffissamut taarsigassarsiat akilersorneqarfissaanut 6 procentinik ernialerneqassapput. Erniat taakku taarsigassarsiat, tapersiisuutitalimmik inissialiortiternermut inatsisit 1992-imeersoq aamma 2007-imeersoq tunngavigalugit taarsigassarsiaritit, kiisalu siunnersuummi kapitali 3 naapertorlugu allannguinnissamut taarsigassarsiat erniaasa amerlaqatigaat.

Imm. 2-mut

Sioqqutsilluni akiliinermi Namminersorlutik Oqartussat pissarsiassaata tamarmiusut, aammalu taakkununga akiitsut akilinngitsuukkat il.il. ilanngullugit tunngavigineqarput.

Imm. 3-mut

Akiitsut sinnerisa meeqqamut angerlarsimaffimmi najugaqartumut, 18-it inorlugit ukiulimmut, inissiami najugaqartutut inuit nalunaarsorsimaffianni nalunaarsorsimasumut ataatsimut 1 procentinik nalikillisinneqassasut siunnersuutigineqarpoq. Meeqqat amerlassusaat piffissami taarsigassarsiallip akiliinissamik allakkatigut qinnuteqarfigisaa tunngavigalugu aalajangerneqassapput.

### *§ 32-mut*

Imm. 1

Taarsigassarsiat erniaqanngitsut akilersugassaanningsullu ingerlasut ukiuni 33-ni appartikkiartuaarneqartarnerisa allanngortinneqarnissaa, taamaalillunilu piffissap appartitsiartuaarfissap ukiunut 20-nut appartinneqarnissaa siunnersuutigineqarpoq. Siunnersuummi tapersiisuutitalimmik inissialiortiterneq pillugu Inatsisartut peqqussutaat 1992-imeersoq aamma 2007-imeersoq tunngavigalugit nammineerluni illulianut illunullu sanaqataaffiusunut taarsigassarsiat pineqarput.

Siunnersuut illunut sanaqataaffiusunut taarsigassarsiat pillugit Inatsisartut inatsisaanni nr. 28, 3. december 2018-imeersumi § 9-mut atasutut isigineqassaaq. Illunut sanaqataaffiusunut kommuninut taarsigassarsiaritit piffissaq appartitsiartuaarfiususaaq ukiunik 20-nik sivilisussuseqarpoq.

Piffissaq appartitsiartuaarfiusussaq 20/33 atorlugu nalingiimmik appartitsiviussaaq.  
Taarsigassarsiani ingerlasuni piffissaq appartitsiartuaarfiusooq ukiunik qulinik  
sivisussuseqarpat, ukiunut arfinilinnut appartitsisoqassaaq.

Imm. 2-mut

Taarsigassarsiat erniaqanngitsut akilersugassaanngitsullu 1. januar 2020 aallarnerfigalugu  
naatsorsorneqassapput. Tamatuma kingorna akiitsut sinneri naatsorsorneqartut piffissamut  
appartitsiartuaarfimmumut appartitamut nalikillineqassapput, siullermillu 1. januar – 31.  
december 2020 naatsorsuiffiussaaq.

#### *§ 33-mut*

Imm. 1-2-mut

Inatsisartut inatsisaat 1. januar 2020-mi atuutilissasoq siunnersuutigineqarpoq.  
Tamatuma peqatigisaanik inissialiornermut, illunut ataatsimoorussanut, illuliassanut il.il.  
tapersiissuteqartarneq pillugu Inatsisartut peqqussutaat nr. 11, 19. november 2007-imeersoq  
atorunnaarsinneqassaaq.

Imm. 3-mut

Nalunaarutit atuuttut arlallit, inissialiornermut, illunut ataatsimoorussanut, illuliassanut il.il.  
tapersiissuteqartarneq pillugu Inatsisartut peqqussutaat nr. 11, 19. november 2007-imeersoq  
naapertorlugu aalajangersarneqartut atuutsinneqartulluunniit atuutiinnassapput.